



Diahuebs, 21 di April 2022

AWEMainta



www.awemainta.com




www.facebook.com/awemainta



noticia@awemainta.com



583-1400



Pg.2

Prome morto den trafico:

Robert A. Calmes (57) a perde su bida den accidente fatal riba Watty Vos Boulevard



Actuacion rapido a evita cu un huesped a bula di hotel den Playa

Pg.9



... Buki Gedichten en Muziek van Simson a parece ... !!!

Pg.10

get a quote

make a payment

sign up



Guardian Group
Fotum

Quick and easy!

live safe | live easy

myguardiangroup.com

Prome morto den trafico:

Robert A. Calmes (57) a perde su bida den accidente fatal riba Watty Vos Boulevard



Diaranson den careda di 1:33 am a sosode un accidente fatal poco pazuid di Paperclip rotonde, unda un pick up Toyota Hilux color cora cu un pareha aden a bay cay den un rooi. Na yegada di Polisnan ta topa cu un Toyota Vitz cu lo a lastra un brake basta largo, unda cu el a dal e pick up mandando e den rooi banda pariba di caminda cu ta algun meter abou di caminda. Mesora despues di e accidente e chauffeur di e Toyota Vitz a core bandona e sitio.

Varios unidad di Polis a yega n'e sitio y sera e caminda pa trafico. Mientras nan tabata buscando e chauffeur. Polis a bay n'e cas caminda e auto tabata registra, pero no a topa cu e chauffeur.

Bombero y Paramediconan

E prome victima cu a wordo saca tabata e señora cu a wordo transporta mesora cu urgencia pa Hospital cu golpinan serio na cabes.

Despues nan a logra saca e casa cu no a sobrevivir e accidente fuerte. El a wordo hinca den e ambulance, unda a warda riba dokter.

Na yegada dokter Texier a bay n'e ambulance unda e curpa tabata y pa 2:20 am ta constata morto di Robert A. Calmes naci 16 -9 - 1964 di 57 aña. Condolencia na famia di e fayecido.

Chauffeur

E chauffeur di e Toyota Vitz a baha na awa, cometiendo un hit & run. Polisnan a bay su cas na Tanki Leendert, pero no a hay'e. Despues mas den dia, Liliana Rasmiijn, vocero interino di Polis a informa cu e chauffeur masculino di e Toyota Vitz a entrega su mes den oranan di mainta na Warda di Polis na Noord, unda el a keda deteni. E chauffeur ta L.E.H.C. 20 aña di edad. Durante interrogacion e lo a divulga kico a sosode.

Cuerpo Policial ta haci un apelacion na pueblo, cu ora di dal auto pa keda warda riba Polis of roadservise. Ta prohibi pa bay for di e sitio prome cu un di nan yega. Bandona sitio pa ley Polis lo sera bo, pa violacion di ley di hit & run. Robert Calmes y su señora Maruscka ta personanan masha conoci. Robert ta un tremendo kokki y tabata maneha e.o. El Porton, cu tabata di su mama. Robert ta conoci tambe di ta kokki na actividadnan di politico di AVP, drs. mr. Arthur Dowers. Na su famia ta bay nos mas sincero condolencia. El a bira asina e prome morto di trafico di Aruba.



Presidente di CFT ta confirma

Aruba tin un situacion financiero prome y despues di pandemia

Prome cu e crisis ocasiona p'e pandemia di Covid, pais Aruba tabatin "canando bon den algun aspecto" segun prof. Raymond Gradus den su discurso algun siman atras na un grupo di hende invita.

Un observacion cu tambe den pasado a ser haci pa ex Secretario di Estado Raymond Knops, kende a bay asina leu na declara cu pais Aruba t'e isla mas rico den henter Caribe, loke practicamente tambe a ser confirma awor pa Gradus.

E ultimo aki den su discurso y cu a wordo traduci pa personal di CFT mes, ta bisa lo siguiente:

"Mi ta cuminsa cu e posicion inicial di Aruba prome cu e crisis di pandemia.

E entrada per capita di Aruba tabata, cu USD 29.500 na 2019, uno halto compara cu e otro paisnan den region di Caribe (USD 16.300).

E porcentahe di desempleo di Aruba di 5,2 porciento na 2019 tabata abou y e promedio di porcentahe di desempleo na termino largo ta di 7,6 porciento pa economianan di tamaño similar."

Pues claramente Gradus ta confirma loke Knops tambe a señala cu e isla di Aruba ta un excepcion riba nivel economico y turistico compara cu otro islanan den Caribe y esaki a bolbe wordo confirma den ultimo lunanan, ora cu turismo di Aruba a pasa den un recuperacion impresionante compara cu otro islanan den Caribe.

"Aruba tin un bon posicion di mercado internacional pa turista. E pre-clearance na Aruba ta ofrece turista for di Merca hopi bentaha. Solamente seis pais na mundo tin un pre-clearance pa por drenta Merca. Indice di FMI ta muestra cu e nivel di costo di Aruba pa gasto turistico ta competitivo. Aruba ta partner den Reino Hulandes. Prome cu e crisis di pandemia Aruba tabata canando bon den algun aspecto, pero tin reto. Pues claramente Gradus a confirma cu prome cu e pandemia, Aruba tabata canando den bon direccion, pero cu tabatin retonan pa atende y pa soluciona esakinan. Awor te eynan e discurso di Gradus, Presidente di e Comision di Supervision tabata sumamente positivo den su presentacion pa despues bay over na papia riba e posicion financiero delicado di Aruba despues di e pandemia.



Pandemia

"Den cuadro di preparacion di e escenario laga mi destaca dos cos. Na prome lugar: E cuota di debe publico di Aruba a aumenta durante e crisis di pandemia cu mas di 38 punto porcentual te na 111 porciento di e producto interno bruto (PIB).

En comparacion cu region di Caribe esey ta un aumento mucho mas grandi di e cuota di debe.

Di un banda, esaki ta consecuencia di e krimpmento economico relativamente fuerte na Aruba, door di cual e entrada-nan fiscal di Aruba a baha fuertemente.

Di otro banda, e paisnan den region di Caribe tabata mas cauteloso cu sosten financiero di Gobierno n'e famia y e empresanan.

Esaki a limita e daño na economia di Aruba y dor di esey tambe e resistencia na inicio di e recuperacion di economia di Aruba tabata halto.

Na mes momento, dor cu el a fia hopi placa (for di Hulanda) durante e crisis di pandemia, Aruba tin un gran desafio pa reduci e debe halto rapidamente te na un nivel sigur y sostenibel.

Pa reduci e debe nominal, cu n'e momentonan aki ta monta na casi AWG 55.000 pa cada Arubiano, un surplus riba presupuesto ta necesario."

Practicamente por interpreta e ponencianan aki di Gradus cu tur desaroyo actual, caminda ta bay introduci COHO, ta bin cu reformanan fiscal fuerte entre otro reduccion den cuida medico, supuestamente ta pa yuda Aruba consolida su situacion financiero, pero principalmente pa tin espacio pa paga e placa cu Hulanda a duna den temporada di pandemia.

Ta prome bes cu Aruba a ricibi sosten di likides for di Hulanda den forma di prestamo ya cu nunca antes el a sosode, pero ta mescos cu Hulanda kier tuma tur cos over for di un Gobierno cu no tin curashi y no tin solucion pa pueblo di Aruba.

Un Minister ta nombrando Hunta di Supervisor

Otro Minister no por nombra oficialmente pa controla inflacion impactante

Contraste den partido RAIZ su maneho di su dos Minister, caminda Minister Ursell Arends a presenta e Hunta di Comisario nobo di Arubus, pero na mes momento tambe a presenta e Hunta di Supervision pa Serlimar.

Na mes momento Minister Arends a sorprende tambe cu su declaracion cu e Hunta di Comisario di Arubus, lo bay traha pa mira con lo bay pone AruParking funcional atrobe, siendo e departamento aki, esun cu a hinca Arubus den un situacion financiero delicado. Pa loke t'e Hunta di Supervision di Serlimar, aki tambe tin cierto pregunta cu a surgi relaciona cu e participacion di Minister Arends, kende algun siman atras a informa cu Serlimar ainda ta bou di Sureillance van Beting y cu ainda e compania ta den un situacion hopi delicado financieramente. Mientras cu Minister Ursell Arends ta presentando parti di su vision cu e ta kere lo trece solucion pa Serlimar y Arubus, di otro banda su colega di partido y den Gobierno, Geoffrey Wever di economia, ta perde formalmente den un maneho cu no tin ni pia ni cabes. Un vision cu ainda tanto su persona como su Gobierno debe pueblo pa splica ta con nan lo bay rebiba economia di e isla, ya cu tur loke ta tumando lugar n'e momentonan aki, ta tur loke e sector turistico ta creando cu su recuperacion impactante. Hopi negoshi ainda ta coriendo den problemanan serio pa reanuda nan actividadnan comercial mientras cu tin negoshinan cu simplemente a dicide cu nan lo no habri mas, perhudicando hopi trahador sin duda. Lokle Minister Arends a presenta tambe lo tin su costonan mara na dje, pero e mandatario ningun

momento a duna un splicacion con e lo atende cu esakinan y for di unda e lo haya e financiamiento pa pone AruParking bek den funcion mirando e situacion financiero dificil cu e compania aki ta aden pa algun tempo caba.

Fuera cu Minister Wever no tin vision pa mostra pueblo con e lo atende cu recuperacion economico di e isla, tampoco e mandatario a mostra iniciativa algun pa percura p'e forma con comestiblenan ta subiendo practicamente cada pasa algun dia, no perhudica tur hende den comunidad.

Tin hendenan cu no por absorba e inflacion grandi aki, pero for di Gobierno no tin ningun iniciativa saliendo den defensa si e consumidor humilde y cu problema financiero hopi serio.

Gobierno tin departamento como funcionarionan cu por haci e control aki, pero esaki ta parce di no ta prioridad di e actual Gobierno na manda, caminda pueblo y a no ta confia riba ningun gesto di Gobierno pa alivia e presion financiero cu ta existi den comunidad.

Bulgaronan a haya menos castigo di loke a pidi contra nan

Fiscal a haci un rekisitorio unda a baha pisa riba un trio Bulgaro cu a bin Aruba pa comete e delito di skimming. A pidi 4 año, pero ora di sentencia esaki tabata un decepcion, ya cu e castigo impone a resulta hopi mas abou cu e demanda. E dosnan mas halto tabata net 2 año. Un hues diferente cu esun cu a trata e caso, a lesa e sentencia p'e acusadonan, kende a scucha esaki sinta na KIA.

Fiscal a splica ora di haci su demanda cu na Europa skimming por ta hopi conocí, pero na Aruba. E no kier pa esaki bira algo comun pa Aruba, un isla turistico ya cu el a afecta e nomber di un lugar sigur cu e isla tin. No solamente pa bi-shitantenan, pero pa localnan tambe.

A keda legalmente proba cu a trata di comete skimming riba Bancomaticonan di CMB Bank. Riba camera di seguridad a mira e trio ta haci maniobranan n'e mashinnan. E copiamiento di carchinan y despues traha esakinan ta worde considera falsificacion di carchinan. A confisca aparato pa skim y carchinan falsifica. Como cu a traha hunto, a haya tambe proba cu nan a forma parti di un organizacion criminal, cu a uni pa comete delito. Hues a bisa cu a tene cuenta cu e trio aki ta forma parti di un organizacion cu dedica na skimming di carchinan di banco. Nan a bin special Aruba cu aparatonan special pa pone den bancomaticonan pa copia carchi y falsifica carchinan. Skimming por causa daño serio n'e victimanan. Hues a tuma nan na malo p'esaki.

Den e sentencia ta para tambe cu e hecho cu e trio Bulgaro no a logra den nan intentonan, no ta kita afo e seriedad di e caso.

Pa loke ta cada un di e acusadonan, Hues a splica cu e acusado M.D. a coopera cu investigacion for di inicio y su rol tabata limita. P'e motibo aki a impone un castigo di 20 luna. El a sigui bisa cu di otro banda G.S. y A.B. tambe a coopera pero nan rol tabata diferente. Esaki ta motibo cu a duna nan 24 luna. E aparatonan cu nan a uza ta keda confisca.

Fiscal tabata di opinion cu mester duna imagen cu Aruba ta safe y no ta permiti skimming. P'esaki mester tuma tur precaucion. El a rabia ora cu e Bulgaronan a kere cu por negocia nan cooperacion cu husticia. Nan tabata kier sa kico tin a cambio. A pidi 4 año, pero mirando cu e castigo ta hopi menos cu loke a pidi, probablemente lo bay evalua e sentencia aki pa mira si ta apela.

Promé buelo sin tripulashon ehersé cu MQ-9 Reaper

Dia 20 ultimo Forsanan Aéreo Real a ehersé su promé buelo exitosamente cu e MQ-9 Reaper for di aeropuerto Hato na Kòrsou.

E MQ-9 Reaper ta un (RPAS- Remotely Piloted Aircraft System) Sistema di Aeronave pilotiá riba distancia y ta keda controlá pa pilotonan desde un kabina (kòkpit) na tera. Ta di promé biaha ku un MQ-9 Hulandes a ehersé un vuelo di training.



Forsanan Aéreo especialmente lo bai haci ehersisio- nan y training pa sera conocí cu e aparato nobo, cu por recompilá in- formacion den la- ria.

E MQ-9 Reaper ta cai bou di Koman- dante di Forsanan Naval den Region Karibe y na su de- bido tempu tambe lo por keda des- plegá na momen- to di sosten na au- toridadnan civil òf pa deteccion y vi- gilancia.

Parcialmente den esaki lo tin colabo- racion cu Estados Unidos, tal mane- ra den operacion- nan antidroga. E aeronave ta sirbi pa reconocimiento y ta desarmá.

Si e training y ins- truccionnan cana prospero, e MQ-9 Reaper lo por keda desplegó tambe na otro partinan na mundo.



Bo ta desea un
miho solucion
hipotecario—

Laga nos combersa y ofrece bo e opcion cu bo ta buscando. Un deal completo cu ta combina nos hipoteca cu un variedad di servicionan bancario y di seguro cu lo duna bo e bentaha cu bo merece.



PAGONAN MENSUAL NA BO MIDI

Explora horizontenan nobo

Ban combersa...

Empleado y supervisor di kwartaal

Eduard Tromp y Millie de los Santos ta resalta entre empleadonan na RIU Hotels & Resorts

Pa reconoce su empleado di prome kwartaal, RIU Hotels & Resort a organisa un lunch na trabou cu tur nominado. Den un ambiente ameno e coleganan a bini hunto pa cera conoci cu e Empleado di Kwartaal y Supervisor di Kwartaal.

Pa celebra esaki gerencia a gradici tur empleado personalmente. Barbara Canales, relacionista publico di RIU Hotels & Resort Aruba, a splica cu tabatin 28 empleado nomina pa Empleado di Kwartaal y Supervisor di Kwartaal, inclui direccion y hefe di departamento.

Eduard Tromp, cu tin hopi aña caba trahando cu RIU Hotels & Resorts, a resulta e prome Empleado di Kwartaal. Gerencia di e hotel ta consider'e un empleado ehemplar. Eduard ta un persona cu ta dedica na su trabou y cu no tabata pone un 'pero' pa keda na pia di trabou. Esaki a sorprende gerencia hopi y a demonstra di ta un di e empleadonan strea. RIU Hotels & Resorts ta gradicie p'esey.



E Supervisor di Kwartaal ta Millie de los Santos. E ta un supervisor hopi energetico y semper c'un bon actitud, cu gana di yuda tur hende y semper ta motiva su team. P'esey a dicidi di nomin'e y a scog'e tambe como e Supervisor di e prome Kwartaal.

Empleado y supervisor nomina pa e premio special aki no ta simplemente bon trahado, pero tambe ta semper inspira nan coleganan y yuda nan hefe den e departamento pa hiba e trabou padilanti. RIU Hotels & Resorts ta conta c'un bon team y esey ta haci cu nan huespednan ta conta riba un servicio superior y sin igual.





Fresco Tur Dia





HABRI TUR DIA DI 6:00AM-6:00PM

YAMA NOS: 5821915

**Guyabastraat #4
Dakota**

Tres muher aresta momento cu nan tabata biahando pa Sint Maarten



Diaranson den careda di 1’or prome cu e buelo rumbo Sint Maarten a lanta autoridad a detene tres pasahero. Caso di maltrato y posibel menasa.

Grens Politie tabatin e tarea di aresta e personanan aki cu ta sospecha di ta meti den un caso serio di maltrato dos dia pasa. Esaki lo a tuma lugar na un lugar di bromer situa riba Watty Vos Boulevard cu Polisnan sa bay regularmente pa diferente molester.



PAN BATI, SCABECHI, SEAFOOD SALAD, SULZ, SANGER YENA, CONCOMBER OF PAPAYA STOBA, SANCOCHO, AWA DI PLAYA, QUESILLO, PANBOYO, BOLO PRETO AND MUCH MORE!

**AUTHENTIC
ARUBAN &
CARIBBEAN
BUFFET**

**Elements
RESTAURANT**

LOCATED AT BUCUTI
& TARA BEACH RESORT
RESERVATIONS REQUIRED
elementsaruba.com | +297 592 5868
ADULTS ONLY | CASHLESS | NO SMOKING | NO GROUPS

\$24.50
SERVICE CHARGE INCLUDED

“Embehecimento di nos poblacion y su efecto”

Cu e trayecto ‘Ban reforma pa garantisa AZV’, Organo Ejecutivo AZV (OE AZV) hunto cu sector di cuido ta den combersacion pa di un banda cumpli cu e recorte di 60 miyon den sector di cuido y di otro banda percura pa seguro AZV keda existi pa futuro generacion.

Esaki ta un trayecto unda AZV y sector di cuido lo topa diferente reto. Un di e retonan aki t’e embehecimento di nos poblacion.

Ki ora ta papia di embehecimento?

Embehecimento di un poblacion ta relata na ora e proporcion den porcentahe di bo hendenan riba 60 aña ta aumenta grandemente den comparacion cu e resto di bo poblacion. Na Aruba, e crecimiento aki ta bayendo hopi liher.

Na 1960 Aruba tabata consisti di 53199 persona. Awe a surpasa 110 mil hende, esta casi dobel, (110.092) y di e grupo aki mas di 25 mil persona ta cay bou di e categoria di 60 plus.

Con esaki a sosode?

Historicamente bo ta wak cu na final di aña 50 nos hendenan tabata haya 5.3 yiu. Despues den un lapso di tempo masha cortico, nos poblacion a cambia unda nos hendenan ta haya 1.7 yiu. Por bisa cu e ‘structura of forma’ di nos poblacion a cambia.

Otro factor cu tambe ta hunga un rol grandi ta mortalidad, unda awendia nos hendenan ta biba mas largo pa motibo di por ricibi mas tratamentonan medico por ehempel pa medio di operacion of remedi.

Kico por spera?

Mas largo un persona ta biba, mas cuido e ta rekeri y mas e gastonan pa Fondo AZV ta subi. Pa ilustra esaki, nos ta uza un ehempel di e promedio di gastonan di cuido medico di un asegurado den 2015.

Na inicio di bida, e asegurado baby su promedio di gastonan ta yega na 1847 florin.

Na momento cu e yega 20 aña, su gastonan ta cuminsa aumenta e.o door di fertilidad y embarazo y ta yega un promedio di 2071 florin.

Na su edad di 40 aña e gastonan ta stabilisa un poco na un promedio di 2487 florin.

Entre 50 pa 55 aña su gastonan ta aumenta rápidamente na 5977 florin.

Pasando 55 aña, e ta sigui biba y haya cuido y pasando su 80 cumpleaños, e gastonan ta bira dobbel y yega un promedio di 10.000 florin.

Por mira cu awe tin:

25.429 aseguradonan 60 plus;
pa 2025 e grupo aki lo crece y surpasa 31 mil;
y asina lo sigui bay te yega na mas di 37 mil asegurado di AZV riba 60 aña na aña 2040.

Den porcentahe esaki ta nifica un aumento di mas di 46 % den apenas 20 aña cu lo tin su peso riba e gastonan di AZV.

Ta proyecta un Fondo AZV di 500 miyon florin na 2025 cual e gastonan di AZV lo subi y surpasa 845 miyon florin na 2035.

Un reto grandi mirando cu Aruba tin un economia cu no ta creciendo na mesun ritmo cu e gastonan.

Otro ehempel cla di e impacto di embehecimento riba cuido ta e servicio di e dokternan di cas. Na 2019 tabata tin 200 mil consulta duna door di 47 dokter di cas cual a costa AZV 20.6 miyon florin.

Si keda cu e mesun poblacion aki di 2019 (esta ningun hende ta drenta of sali di Aruba y solamente tene cuenta cu baby ta nace of hende ta fayece) e ora lo ta bay tin 229 mil consulta y lo tin mester di 56 dokter di cas pa atend’e e consultanan aki.

Reforma pa garantisa AZV

AZV ta para dilanti retonan pa reforma sin cu mester recorta den servicionan medico y na mes momento eleva eficiencia di servicio medico. Dentro di e trayecto aki, nos comunidad tambe tin un rol di duna su cooperacion y aki ta unda AZV ta boga pa un embehecimento activo. E momento ta awor pa vitalidad, salud y movecion haya un espacio importante den bida di nos comunidad y asina purba frena e impacto grandi debi na e.o e efectonan di embehecimento di nos poblacion.

Proyeccion

A base di e indicacionnan real aki por haci calculacion pa sa kico ta spera Aruba den e siguiente añanan. Un di e calculonan cu por proyecta ta con grandi e grupo di 60 plus lo bay bira. Y conseqüentemente kico esaki lo nifica pa OE AZV.



**INVEST
SECURE**



We don't just say it ... We Guarantee it !!!

You can focus on your business

If you leave your security protection up to us.

Call 582-7252 for a free presentation.

Email: insec@setarnet.aw



Actuacion rapido a evita cu un huesped a bula di hotel den Playa



Diaranson den oranan di merdia Bomberonan a sali cu urgencia direccion Renaissance Wind Creek Aruba Resort, unda un huesped lo tin intencion malo cu su bida, o sea e lo tabata kier a bula for di su kamber.

Unidadnan di Bombero

Bomberonan tabata esnan prome n'e sitio a bay ariba, pero mucho cos nan no mester a haci. Y por a miranan baha bek y bandona e sitio.

Team di slachtofferhulp

Durante cu esaki tabata tumando y den casonan asina cada minuut ta conta por a mira algun personal di Slachtofferhulp core drenta e hotel y bay unda e homber turista ta.

Algun minuut despues ambulance y transportwagen a presenta n'e entrada principal abou. Pero nan no a sali cu e guest di eyan. Autoridad hunto cu personal di e hotel a opta pa saca e homber via Havenstraat.

Transportwagen mester a bay unda empleadonan ta drenta via Havenstraat y eyan un grupo grandi di Polis tabatin e homber wanta y a pone den e vehiculo p'asina hibe Hospital. Mester remarca cu e homber tabata calmo momento cu Polis a atende cu ne.

Un dama cu tabata hunto cu e homber a compaña e team di Slachtofferhulp y nan a subi auto y bandona e sitio. No ta conoci si e homber tabata bou di influencia di un of otro substancia of ta sufri di un of otro enfermedad mental.



The #1 Payroll & HRM Software in the Caribbean



- Easy to Use & Always Accurate
- Complete Integration of HRM & Payroll
- 24/7 Support from Local Specialists
- On-premise or Cloud
- All Types & All Sizes of Companies incl. Government


Tel. 583-7072 | info@vcc-int.com | www.vcc-int.com



VCC
International NV

**REAL SOFTWARE
REAL SUPPORT**
www.vcc-int.com

... Buki Gedichten en Muziek van Simson a parece ... !!!



Riba cover cora di e buki tin un imagen di e obra di arte, estilo tiffany, Love. E buki a wordo dedica na difunto Rufo Abelino Saturnino San Blas Odor kende tabata polifacetico y un musico grandi na Aruba. Tin den buki un imagen di un retrato di papel di Rufo y e poema Meester Odor cu a wordo skirbi rond y dedica na Rufo kende a inspir'e riba diferente terenonan den su bida. E buki Gedichten en Muziek van Simson (Poemanan y musica di Simson) cu a wordo skirbi dor e artista polifaaaaaacitico Waldy Simson a caba di parece na Surnam ... !!!

Simson a biba y traha como docente di skol y artista binti
año, na Savaneta y Santa Cruz, aki na Aruba. Gedichten en
Muziek van Simson ta resultado di diesdos año traboa artis-
tico cu e artista a haci na Aruba, Bonaire, Jamaica, Surnam,
Hulanda, Sur Africa y Belgica. Importante pa menciona ta
cu aunke Simson a wordo confronta cu hopi dificultadnan di
bida den e diesdos año pasa e tog a logra di finalisa skirbi e
buki y a enrikese nos bida cun'e. E buki tin den dje diesnuebe
poemanan. E poema Tata Padu, cu Simson a skirbi na Papi-
mento, el a dedica na nos baranca cultural y inolvidabel Juan
Chabaya Lampe miho conoci como Padu Lampe y Padu del
Caribe kende ta un di e compositornan di himno di Aruba.
Tin den buki tambe cuater composicionan musical cu Simson
a skirbi pa keyboard y pa koro di homber y muhe. Den e parti
di e buki cu tin como nomber Simson een autodidact in de
kunst (deel 3) tin banda di e storia artistico di e artista tam-
be fuentenan for di cua e poemanan, musica y retratonan
di papel a existi. Tur esey ta yuda pa compronde e obranan y
disfruta mas hopi di nan. Imagenan di Retrato di Nelson, cu
Simson a traha aki na Santa Cruz tambe a sali den Gedichten
en Muziek van Simson como homenahe na Nelson Mandela
kende a lucha duro pa libertad di serhumano na Sur Afrika
y pronto a naci ciencinco año pasa. Internacionalmente peti-
cion pa Simson traha retratonan manera Portret van Nelson
ta creciendo. Met grote voet op zwart ta nomber di e pintura
special di cua tin un imagen den Gedichten en Muziek van
Simson. E artista a sali for di un ambiente skur y tog a logra
pa crea un resultado final cu ta impreciona hende. Gratitud
na Dios, amor pa su pais natal, homenahenan, respet pa ma-
yornan, amistad berdadero, yudansa inolvidabel y amor pa
arte ta ehempelnan di temanan cu a wordo trata den e buki.

Nombernan di entre otro, Lenny Denz, Olga Buckley, Samuel Dumfries, Norma Le Grand, Dario Arends, Catherine Provence, Belen Kock, John Hessen, Alejandro (Ale) Vasques, Nancy Ligeon-Baal, Mary van Caem, Junny Hernandez, Tineke Pengel a sali den Gedichten en Muziek van Simson. Na Annie Ho A Sjoe-Wijngaarde Simson a dedica e poema Juffrouw pa corda te eternidad e contribucion special cu Annie a duna na educacion di mucha di skol na Surnam y na Aruba. Pa mas informacion tocante e buki por tuma contact entre otro cu Waldy Simson.

“Duna arte un lugar digno den bo bida.”
Waldy Simson/
Whatsapp: 00-597-8960707
E-mail: waldysimson@hotmail.com/
Website: [artisit.webs.com/YouTube:](http://artisit.webs.com/YouTube:Simson)



CENTRALE BANK VAN ARUBA
BEKENDMAKING

De Centrale Bank van Aruba deelt hierbij mede dat zij bij beschikking van 4 maart 2022 aan Bluestart Capital (Aruba) VBA (i.o.) ontheffing ex artikel 48 lid 3 van de Landsverordening toezicht kredietwezen (AB 1998 no. 16) (Ltk) heeft verleend om bedrijfsmatig in Aruba kredieten te verlenen aan het publiek. Bluestart Capital (Aruba) VBA (i.o.) is per 4 maart 2022 opgenomen in het register van kredietinstellingen en elektronisch geldinstellingen, onder de categorie instellingen met een ontheffing zoals bedoeld in artikel 48 lid 3 van de Ltk.

Oranjestad, 20 april 2022

Booshi Wever:

Sigui traha mas hotel, pa ken traha aden???

Tumando nota di publicacion di sr. Jan van Nes riba su preocupacion pa loke ta e forza laboral den e sector turismo, mi por bisa cu parcialmente mi por biba cu su ponencianan, segun Booshi Wever di UPP.

Van Nes ta lanza varios pregunta, y ta spera cu p.e. un Universidad di Aruba lo por dedica un estudio riba esaki, y p'asi na hiba un discusion cu ta wordo saca for di un atmosfera emocional y pa yega na un plan cu Aruba por progresa cu ne.

Na mi aparecer cu nos ta hopi laat cu e cos aki. Den pasado hopi investigacion a wordo haci caba, cu sigur a duna advertencia serio di e rumbo di e desaroyo di nos turismo y su su impactonan pa un pais chikito manera Aruba.

Booshi Wever kier referi na estudionan y trabounan di dr. Sam Cole, realisa e.o. tocante e capacidad di carga di Aruba, desde e prome decada di e siglo aki, bou di gabinete Oduber III y IV. Of di e economista dr. Arjen Alberts, un consehero cerca di Gabinete Eman III, kende a constata cu na Aruba nunca a tene cuenta cu e cantidad di hotel y turistanan na Aruba. Dor cu turismo tabata asina exitoso, Aruba tabata crece y yena cu mas hende (turista y trahado). Loke ta haci nos menos atractivo.

Segun dr. Alberts, na 1986 Aruba a haci fout dor di tira completamente riba turismo como e fuente mas grandi di entrada. No a regula ni e tipo di inversion aki, ni e inmigracion. Promedio e desaroyo aki a trece mesun placa aden pa cabez, ya cu nos prosperidad pa 25 aña a keda mescos, y mi ta kere cu awor te hasta a baha. Esaki ta masha simpel! Dor di mas hotel tabata bin mas placa aden. Pero pareu cu ne e inmigracion a crece y defacto segun promedio ningun hende no a bay dilanti.

Den e sentido aki, e meta riba "termino corto" a gana di e vision di "termino largo". E politico, e gobernante, tabata pensa riba haci su mes popular awor, dor di bin cu mas kamer di hotel, pa "crea" trabou, pero no a para keto na kico e hende mes tabata kier, segun dr. Alberts. Esta sali for di "eybou" y bay pa un mihor trabou y cu mihor salario. Pero pa "eybou" tambe bo mester hende, y hopi biaha den volumen grandi, hibando asina pa inmigracion massal.

Na 2018 y 2020 Banco Central di Aruba tambe a bin cu publicacionnan poniendo enfasis riba e aspectonan di "tourism maturity" di Aruba y riba e aspecto di "overtourism". Cu otro palabra a wordo muestra cu e crecimiento economico cu turismo ta trece cu ne, den cierto forma a madura y ta den direccion di stagnacion. Apesar di tur e avisonan aki, nos a sigui haci lo contrario. Van Nes ta menciona cu banda di Embassy Suites y St. Regis, lo bay bin un par di mil kamer mas, pues un 2000+ kamer extra. Su pregunta valido ta: Ken ta bay haci e trabounan aki den e sector aki? Mientras cu e partidonan tradicional, apesar di e avisonan di dr. Cole, dr. Alberts y Banco Central, a sigui riba e rumbo bieu, varios partido nobo a cuestiona e tendencia aki peligroso aki. No solamente p'e calidad di servicio cu mester pa brinda e turismo cu ta bishita nos, sino e calidad di bida di nos hendenan, mescos tambe e calidad di nos medio ambiente y nos finanzas publico. Pero na momento di asumi poder, e mesun modus operandi ta sigui y ta acepta incluso pa construccion di mas hotel (sin conta tur e condominiumnan).

Van Nes ta remarca cu e Arubiano no tin interes pa traha den horeca, y cu no tin hende pa haci e trabou aki. Pesey e ta puntra si nos no mester haci e sistema di permiso mas amabel y eficiente, na unda cu hasta e ta wak cu nos no mester di un GNC (Warda nos Costa). Cu otro palabra e famoso "flexibilisacion di nos mercado laboral", cu hopi ta papia di dje ultimo añanan. Atrobe, puntonan fuerte den e opinion di sr. Jan van Nes, pero al mismo tiempo, puntonan cu e mester a para mas fuerte riba nan un 10 pa 15 aña pasa. Hustamente mirando cu nos economia ta depende di un 90% di turismo, nos mester a probecha di e periodo di pandemia cu nos a pasa aden, pa traha riba e calidad di turismo y no e cantidad. Nos tabata tin un momento pa nos a reset nos pensamiento y rumbo riba turismo. Y aki ta unda cu e concepto di un "dialogo nacional" tabata tin su lugar, na unda cu nos por a wak otro den cara y puntra nos mes y na otro ta kico nos kier cu e pida baranca aki. Pa varios añanan y sigur den e ultimo 3 eleccion mi a vocifera mi preocupacion pa construccion di mas camber. Mi a wordo y ta wordo tuma na malo. Hopi hende no ta gusta ora mi uza e terminologianan "overtourism" of "overcrowding tourism", pero cu biniemento di mas camber di hotel, esaki ta loke nos lo bay cosecha. Algo cu nos a bin ta sinti caba, mientras e capacidad di carga di nos pais ta yegando su limite. Esnan cu kere cu sigui traha mas hotel of cambenan di hotel, ta desaroyo turistico ta bon ekiboca.

ANUNCIO

SETAR ta informa cu **Teleshop Seroe Blanco** lo cera pa publico entrante dialuna 25 di april 2022.

Pa tur servicio por bishita cualkier di nos Teleshopnan situa na San Nicolas, Sta. Cruz, Irawasquin Plein y Palm Beach of nos Kiosk na Airport. Orario di Teleshopnan ta di 9.00 am pa 5.30 pm di dialuna pa diasabra.



Un colega dinamico, motiva y inspira pa trece solucion

Kamidjo Wirjomenggolo a resalta y sali empleado di luna

Dr. Horacio E. Oduber Hospital durante henter aña ta saca tur luna un empleado cu a resalta y e biaha aki e empleado di luna di maart a sali fo'i e Departamento di Voeding. Den un ambiente ameno e coleganan a bin hunto p'asina sorprendre Kamidjo, conoci bou di su coleganan como Kami como empleado di luna. Un sorpresa cu sigur nunca e lo lubida.

Kamidjo Wirjomenggolo, conoci como Kami, ta teamleider dje team di voedingsdienst na Hospital desde november 2017. Su team a nomin'e pa motibo cu e ta un persona hopi dinamico, un persona hopi servicial y colegial cu ta duna bon guia na su team. Felicia Halman, Manager Voeding, a duna di conoce cu Kami ta yuda tur hende cu acerc'e y no ta importa si ta algo chikito of grandi, semper e ta cla pa yuda y bay e miya extra.

Kami ta yuda pashent, pero tambe coleganan ora tin evento of bishita di afo. E ta percura pe trabou wordo haci teniendo na cuenta tur detaye cu esaki por trece cu ne.

Kami ta encarga cu e team di Voeding-sassistenten y esaki ta un reto hopi grandi. E tin di supervisa casi 30 empleado parti den ambos edificio di Hospital y mira cu tur cos ta cana bon. Semper e ta riba pisonan di cuidu y ta papia cu e pashentnan si algo no ta na nan agrado. E ora e mes ta bay cushina pa papia cu e chef y mira kico otro por haci pa nan y cumpli mas cu ta posibel. E ta gusta papia cu e pashentnan y ta purba consola y motivanan. Alimentacion ta hopi importante pa un pashent y Kami sa esey hopi bon tambe y asina ta percura den su manera pa contribui na cuidu di pashent.

Kami ta un teamplayer cu ta comunica bon, ta scucha bon tambe y ta trece animo bou di e team cu semper por conta riba dje. Ademá, Kami ta bin cu solucionnan y ideanan nobo pa logra mas hopi posibel pe organisacion y pe team crece hunto. Kami ta un persona cu no ta husga, ta respetuoso y tin hopi dedicacion y pasion pa su trabou.

Pa Kami tabata un sorpresa cu a nomin'e como empleado di luna y cu el a logra esaki. E ta conta cu e ta haci su trabou cu placer. El a duna di conoce cu



e trabou na Hospital, trahando cu e personal y pashent ta algo nobo pe pasobra e ta bin di mundo hotelero. E ta haya cu e trabou ta algo diferente door cu no ta turismo pero ta trata salud di hende. Nan necesidad ta completamente diferente ora ta traha cu e pashentnan. E pashent ta malo y nan cuminda hopi biaha ta completamente diferente segun motibo medico. Kami ta gusta aplica e parti di 'customer service' pe pashent pasobra e pashent merece lo miho pe recupera. E ta hopi agradecido na su team cu a dun'e sorpresa bunita di nominacion. El a gradici su team completo di e Voeding-sassistenten, pero tambe tur Zorgmanager. Su team ta bisa: We are very lucky to have Kami on our TEAM! Masha pabien Kami



Hilton Aruba Caribbean Resort & Casino

Ganadonan di Circle Of Excellence & Summit Award Winners 2021

Hilton Aruba ta contento di por anuncia cu cuater miembro di team di nan Commercial Services ta orguyoso ganadonan di e reconocemento di mas halto premia pa Hilton Worldwide – Circle of Excellence y Summit Award.

Circle Of Excellence ta representa e top di logro den sales den e network di Hilton. Ganadonan ta selecta anualmente basa riba trabao individual cu ta cumpli cu criteria di e premiacion y su metanan. E Commercial Services Summit Awards ta representa e apex di logro den conexon cu Hilton su organisacion di Commercial Services. E ganadonan di e reconocemento aki ta sobresali den crea balor pa clientenan y ta representa Hilton su cultura di ONE TEAM, contribuyendo asina na exito di e organisacion completo.

Ganadonan ta inclui: Jennifer Bolstad, premia Comercial Director di aña 2021, Jeanine Gilchrist, Lisa Dammerman y Margo Esposito, premia cu e Circle of Excellence Individual Sales Excellence Award 2021.

Jennifer Bolstad: Commercial Director di aña 2021

Jennifer a briya riba tur otro nominadonan den categoria Commercial Director di aña, kende ta e motor tras di e strategia comercial di e resort, aña tras di aña pa e ultimo cinco aña. Liderando e team comercial, incluyendo Sales & Marketing, Revenue, Reservations & Catering. Jennifer a hunga un rol hopi grandi den loke ta e exito y recuperacion rapido di e resort door di temponan malo y bon den demanda, despues di pandemia. E ta un contribuyente grandi den e exito comercial di e propiedad, treciendo solucionnan inovativo, como tambe bon strategianan cu ta beneficia ambos cliente y organisacion, mientras empoderando su team y compartiendo conocimiento. Jennifer ta prepara tambe e siguiente generacion di lidernan pa nan tambe por crece y sobresali den nan rol. Jennifer a trece un otro vision den loke ta operacionnan di ehecutacion y strategia despues di pandemia cual a trece cu ne eficiencia y efectividad den actividadnan haciendo nan mas grandi ainda.

Jeanine Gilchrist: Individual Sales Excellence

Jeanine a expande su strategianan na 2021, desaroyando y liderando e lucrativo y importante negoshi directo di travel agent. El a pone e prome trip pa luxury agents desde cu e pandemia a cuminsa y agents tabata contento cu esaki experienciando hotels & destinacionnan atrobe. Cu mas di 20 aña di experiencia, Jeanine ta un experto den establece relacionnan personal cu clientenan cu demandanan halto, brindando servicio personalisa y amabel pa cada individuo.

Cu excelente follow-up por medio di nan reservacion booking-journey na yegada na e resort, e ta maneha cu su toke personal y comunica cu cada profesional pa maximalisa e servicio, asina tambe creando fidelidad y confiansa pa loke ta experiencia di cliente.

Como nominado den Sales, Catering & Events Criteria, Jeanine a surpasa e set di metanan di bookings anual anto a wordo evalua hunto cu su puntonan mas fuerte den areanan di su portfolio, manera new account growth, customer relationship skills y mas.

Lisa Dammerman: Individual Sales Excellence

Lisa a bay cu e reconocemento di mas halto den logro di sales den henter e network di Hilton, el a demostra su fortale-

sa como Hilton's Award Winning Bridal Specialist pa 13 aña prome cu el a wordo promovi pa Resort Experience Manager na 2022. Ora ta trata na boda, Lisa ta e reina. Su number y reputacion den e mercado di boda ta excepcional, cual a haci cu el a yega na gana e reconocemento di WeddingWire Couples Choice Award pa tres aña consecutivo. Guests ta busca informacion tocante bodanan, basa na Lisa su reputacion, service delivery y atencion na detaye. Lisa ta muestra di tin un compromiso hopi extraordinario den yuda parehanan logra un dia di casamento perfecto y personalisa. For di perspectiva di un guest, destination weddings por trece hopi stress y por ta dificil pa maneha, pero Lisa ta percura pa no tin preocupacion mes. E ta contesta cada pregunta den detaye y ta encarga su mes cu tur yamado cu e pareha mester. E ta brinda tur opcion posibel pa sigura cu e pareha ta feliz y contento. Apesar di ta asina leu, na Aruba, Lisa ta haci cu e guestnan den exterior ta sinti cu e ta net banda di nan pa guia nan den cada paso.

Como ganado di Circle of Excellence, Lisa a wordo selecta a base di trabao individual den cuadro cu criteria di premiacion y su metanan individual. El a sobresali den crea balor pa clientenan di e resort, y asina tambe eleva su capacidad, mientras liderando market share dominante den su areanan respectivo.

Margo Esposito: Individual Sales Excellence

Margo ta representa e balornan di Hilton mientras contribuyendo na exito comercial di su resorts. Cu mas di 20 aña di experiencia, el a pusha relacionnan fuerte den industria y travel account den un forma consistente, kendando semper na top di Hilton partnerships.

Margo ta un experto den loke ta yena buraconan den ocupacion por medio di activa su account portfolio pa trece volumen den periodonan necesario, segurando oportunidadnan clave den mercado. Margo ta den contacto frecuente cu su otro accounts anto a logra establece un estabilidad y confiansa grandi por medio di por identifica solucionnan enbes di problemanan, sigurando asina e crecimiento mutuo di negoshi cu cliente y su organisacion. E ta un bon comunicado ambos interno y externo.

Biba Largo

Pa biba largo, tin di haber cu con FIT bo ta....!!! Ora cu a bai rond mundo na lugarnan manera Costa Rica, Okinawa y Sardina caminda cu hopi a biba pa 100 anja, a conclui cu e hendenan aki tabatin 3 cos den comun;

1. Nan ta FISICAMENTE fit...
2. Nan ta come cumindanan di tera ...
3. Nan ta duna hopi valor na nan bida social y nan relacionan

Pues un di mi consehonan personal ta rondona bo mes cu hende activo tanto fisicamente como mental y cu esnan cu ta hiba un bida saludabel pa loke ta nutricion. Hopi biaha si esnan rondo di bo ta foi shape y subiendo di peso, bo tin hopi chens di bira mescos cu nan. Ban wak loke ta nesecario segun bo edad ta subi:

-20 pa 30anja

Focus riba crea y haya mas musculo ja como pa abo e hende homber den e period ey di bo bida bo TESTOSTREONE ta mas halto cu nunca.

-30 pa 40anja

E periodo aki sigi hisa peso pero FITNESS en general ta cuminsa bira mas importante ja cu casi sigur bo lo tin un carera of un famia y menos tempo pa train hopi. Mantene un schedule cu ta combina hisa peso cu cardio.

-40 pa 50anja

Aki balans y flexibilidad ta bai hunga un rol. Combina bo gym cu Yoga of Tai Chi.

-50, 60anja y bai ariba

Interesante pa sa cu na e edad di casi 60anja, bo nivel di fitness por ta mescos cu dia bo tawa tin 20. E tempo ei bo lo por a bula mas lew of mas halto pero e nivel di fitness si por ta mescos.

Awa

Bo a tende cu bebemento di suficiente awa ta hopi importante pa bo salud casi sigur miles di biaha caba.

Esaki pasobra e ta algo asina importante cu e mester ser menciona cada vez, si bo kier baha peso, bo mester bebe hopi awa....durante ehercicio of actividad fisiko, bo mester bebe awa...si bo kier un cuero saludabel, bo mester bebe awa..y asina mi por sigi. Nos curpa ta existi di 70% awa y nos cerebro pa 90%.

E sanger den nos curpa y practicamente cada cel, ta casi completo awa. Si bo kier bo organonan funciona optimal, bo mester bebe suficiente awa.

BTW, mientras bo ta lesando e artikulo aki, basha pa bo mes un glas di awa.

Tin estudio ta bisa bebe minimo 8 glas di awa pa dia....otro ta bisa 3 pa 4 liter pa dia y recien mi por a lesa cu bo ta dividi bo peso den 2 (si bo ta pisa 180lbs dividiele den 2 ta 90... pues 90ounce di awa pa dia cu ta mas o menos 2.5liter. Otro artikulo ta indica cu ta mihor pa sip awa henter dia.



Mane bo lanta, bebe un pa dos glas di awa. Fuera cu ba drumi 8ora sin bebe nada, bebiendo un glas di awa mainta prome cos, ta aktiva bo organonan y start bo metabolismo. Si bo ta un persona hi-tech, tin algun app cu ta controla bo intake di awa.

Mi sa cu bebiendo hopi awa e ta manda bo banjo constant pero considera esaki un momento pa bo lanta for di bo desk y haci un poco movecion. Manera bo a cla di urina, bebe un glas di awa di biaha. Awa ta BIDA!

Come bo awakati

Mi sa cu ainda hopi ta kere cu awakati ta contene hopi vet pero loke hopi no sa ta cu e ta contene vet esencial y saludabel. Awakati ta contene mas o menos 20% vet pero majoria ta vet mono no-satura, poly no-satura y un poco satura.

Segun estudio haci riba e 150 cumindanan mas saludabel na mundo cual awakati ta un di un di nan, e ta juda reduci nivelnan di cholesterol door di promove e bon cholesterol (HDL) y baha e mal cholesterol (LDL). Ademias:

-Awakati ta juda estabiliza bo sucu
-E ta contene Lutein cu ta proteha bo wowo contra degenerashon

-Ta provehe Oleic Acido cu ta mehora e systema cardio vascular

- Antioxidante pa boost e sistema imun
- Tin mas fibra cu cualquier otro fruta
- Ta proteha e prostat

- Un di e armanan natural contra cancer
- Contene Magnesio cu ta vital pa wesonan, sistema cardio vascular y preshon
- 3x biaha mas Potasio cu un bacoba

Pues haci awakati parti di bo arsenal nutritivo (1/4 pa 1/2) diario y pa esnan cu ta uza manteka, purba envez di hunta esei, hunta awakati cual ta un super miho choice.

Vooral cu mucha esaki ta algo cu mi ta recomenda majoranan pa haci pa asina kita di e manteka y mayonaise.

Fruta y Berdura cu hopi hero

Fruta y berdura ta un tremendo forma pa haya heru y combinando esaki cu cumindanan cu hopi vit C ta haci cu e hero lo ser absorba miho pa e curpa. Actualmente RDA pa hero ta 18mg pa dia. Aki algun fruta y berdura cu ta contene hero:

Apricot seco (fruta seco), Parsley, Spinazi, Broccoli, Tamarijn, Kale, Boontji, Oliji, Rasenchi, Aspargus, Appel, Garlic, Carni Cora, Geel di Webo.

Importante pa sa ta kendenan ta core e riesgo mas grandi di tin un deficiencia den hero:



-Hende muher durante menstruacion: Debi na e perdida di sanger durante menstruacion.

-Esnan cu tin problema di riñon: Vooral esnan riba dialysis ta core e riesgo mas grandi debi cu e riñonnan no ta funcionando manera mester y produci e hormonanan nesecario pa e celulan cora di sanger.

-Hende muher den espera y esan dunando lechi di pecho: Un fetus den desaroyo ta existi hopi hero y di otro banda ora ta duna lechi di pecho, hopi hero ta bai perdi.

-Esnan cu deficiencia di vitamina A: E curpa mester suficiente Vit A pa por regula e hero

-Esnan cu problemanan gastrico: Si bo ta sufri di ulcera of diarrhea por causa cu e curpa no ta absorbe e hero adecuadamente.



5 Detenshon pa kaso di atrako ku a tuma lugá na toko Juni na Santo Domingoweg

WILLEMSTAD - Djamars 19 di april 2022 alrededor di 17.33'or, Sentral di Polis a risibí notifikashon di un kaso di atrako ku a tuma lugá na un toko riba Santo Domingoweg.

Mesora a dirigí diferente unidat polisial na e sitio i for di un investigashon preliminar a resultá ku kuater hòmbler kara tapá ku arma di kandela a presentá na e toko. Bou di menasa ku arma di kandela nan a bai for di e sitio den un vehíkulo ku plaka kèsh i diferente artikulonon for di den e toko.

Polis a kuminsá mesora ku investigashon i den área di Mina Scharbaai e señalá e hòmblernan sospechoso koriendo den un mondi.

Despues di un persiguishon na pia, alrededor di 18.42'or polis a logra detené tres di e sospechosonan. Tambe Polis a haña i konfiská den un mondi den e área diferente artikulonon probablemente prosedente di e atrako ariba menshoná. Alrededor di 18.58'or personal di tim di atrako a detené dos sospechoso mas den un kas na Veeris i a haña i konfiská un arma di kandela.

A presentá e sospechosonan dilanti di un Fiskal ouksiliar ku a ordená nan enkarselamentu pendiente di mas investigashon. ora kizas lo bo ta laat.

Pa paga interes riba debenan bieu...

60 Mion florin di sosten di liquididat na Kòrsou a bai Hulanda bèk mesora

WILLEMSTAD – Kasi ún tersera di sosten di liquididat ku Kòrsou a risibí na 2021, mesora a vloeí bèk den e kaha di Gobièrnu Hulandes, komo pago di interes riba debenan bieu. E suma aki por tabata menos, si Hulanda na 2020 a ofrese e posibilidat pa refinansiá e debenan.

Asina Gobièrnu di Kòrsou ta skirbi den un reakshon riba e rapòrt Hulandes titulá: 'Evaluatie van de liquiditeitsleningen', ku awe a bai pa Tweede Kamer.

Den e rapòrt aki, e Ministerio di Asuntunan Interior i Relashonnan di Reino ta evaluá e efektonan di e fiansanan di liquididat ku na 2020 i 2021 a duna Aruba, Kòrsou i Sint Maarten, relashoná ku e pandemia di Covid-19. Segun Kòrsou, un refinansiamentu dje debenan anterior, lo por a hasi e fiansanan pa liquididat mas eficiente. Pa aña Kòrsou ta paga Hulanda mas o menos 60 mion florin di interes.

Dor di skoge p'e alternativa p'e fiansanan di liquididat, e po-

sishon di debe di Kòrsou, parsialmente (ta trata di e posibel gastunan alto di interes, pa kua a fia sèn), a bira inesensariamente altu. Komo konsekuensia Kòrsou mester a usa e 60 mion florin di liquididat risibí na 2021, pa paga interes na Hulanda. E suma ta ensera mas o menos 28 porshento di e sosten di liquididat total risibí na 2021.

Konsehonan básiko ta keda

Por lo pronto e medidanan básiko ta keda vigente: mantene medidanan di higiena, manera tosa i níster den elleboog, laba man regular, keda kas ora ku tin keho i perkura pa biennu fresku.

I naturalmente ta keda e konseho enfátiko pa bakuná i si ta konsehá, tuma e booster tambe. Tambe ta mantene e konseho urgente pa isolá mínimo 5 dia den kaso di un zelftest positivo.

RIVM a anunsiá ku ta bai investigá si por hasi e dianan di isolashon mas kòrtiku. E obligashon pa bisti tapaboka na aeropuerto despues di pasa e punto di seguridat i tambe den avion, ta keda. Asina a palabrá internashonalmente.

SETAR ta participa fayecimento di:

Sr. Dominico Kock

Tata di nos colega
Ghislaine Kock,
Human Resources Coordinator.

Acto di entierro ta tuma luga diabierna 22 di april
2022 di 2or di merdia pa 4or di atardi na
Misa Pro-Cathedral San Francisco di Asis na Playa.
Despues lo sali pa Santana Catolico na Playa.

Gerencia, Staf y Personal di SETAR N.V.
ta extende palabra di condolencia na
Ghislaine y demas famia.

Hulanda ta sigi suavisa medidanan di corona

A kaduká konseho pa bisti tapaboka kaminda ta druk

WILLEMSTAD – For di djamars 19 di april, gobièrnu Hulandes a bolbe suavisa algun medida di corona.

Entre otro ta kaduka pa tur hende e konseho urgente pa karantena, pero ta pidi pa keda alerto ora ku un hende tabata den besindario di un persona ku tabata infektá ku COVID-19.

Hendenan ku ta drenta Hulanda, no tin mester mas di un deklarashon di salú.

Tambe e konseho pa riba e di sinku dia na Hulanda, hasi un zelftest ta kaduka.

Hulanda ta eliminá por kompleto e konseho pa bisti tapaboka na sitionan ku ta druk. Tur hende ku ta preokupa pa nan salú ta liber pa skoge pa bisti un tapaboka.

Dia 15 maart Hulanda a tuma kita mayoria dje medidanan di corona. Esaki no a kondusi na preshon ekstra riba kuido di salú.

Gobièrnu Hulandes ta informa su habitantenan ku mester tene kuenta si ku e virus no a bai kompletamente.

Ta verwagt ku den e di dos parti di aña por bolbe surgi omento di e kantidat di infekshonnan òf ta surgi un variante infeksiioso nobo. Ta pesei ta rekomendabel pa keda alerta.

I lift up my eyes to the mountains—
where does my help come from?
My help comes from the Lord,
the Maker of heaven and earth.

With deep sorrow we announce the passing of our beloved



Lucia Iona Hazel Hodge

better known as: “Moeder” or “Miss Lucia”

Sunrise: March 20th 1925

Sunset: April 18th 2022

Acto di despedida lo wordo anuncia despues

Gradicimento/Invitacion:

Nos kier a gradici tur persona cu di un of otro manera a muestra nan atencion, amor y cariño di a duna nos famia e sosten durante enfermedad y momento nan dificil pa cu fayecimento y entiero di nos defunto stima **“Mama Omy”**:



Sra. Urmey M. Rosa

Na tur esnan cu a manda mensahenan riba whatsapp, facebook y jamada telefonico, danki di curason. Na su nieta nan cu a stime, Team St. Dominicus College, Staff y personal di Union Caribe, Liesje Figaroa-Geerman y famia cu a manda krans, danki di curason.

Tambe na Aurora Funeral Home pa nan bon servicio y atencion. Boso muestra di atencion ta wordo aprecia y ta un gran sosten y consuelo pa famia. Nos kier a invita famia, amistad y conocirnan pa compaa nos na e ultimo Santo Sacrificio di Misa cual lo tuma lugar na Misa Santa Filomena (Paradera), diabierna 22 april’22 pa 7’or di anochi. Despues di misa lo tin rosario na cas, Sero Patrishi

332. Boso presencia ta altamente aprecia.

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu dolor na nos curason, nos ta anuncia fayecimento di:



Juan Gualberto Tromp

*12-07-1961 - †15-04-2022

Acto di despedida lo wordo anuncia despues

“Señor ta mi wardador, mi’n tin falta di nada Den cunucu yen di yerba berde E ta pone mi sosega. E ta hiba mi na fuent’i awa fresco, pa mi bolbe haña forsa”.

Salmo: 23

Cu inmenso tristeza den nos curason pero conforme cu boluntad di Dios, nos ta anuncia fayecimento di:



Federico Danje
Cariñosamente yama “Buchi”
* 20-03-1938 - † 16-04-2022

Na number di su:

Mayornan: † Catharina Danje-Angela y † Antonio Danje

Casa: Magdalena Danje-Muñoz

Yiu: Antonino Danje

Yiunan di crianza: Rociolo Gomez-Muñoz, Caroline Caster, Joaquin Ras

Nieta: Nicole Cristina Danje

Rumannan: †Cecilia Gomez y† Paulito Gomez y famia, †Marthilda Danjo y †Jozef Danjo y famia, †Modesta Werleman y † Pedrito Werleman y famia, †Ignacio Danje y Diana Ruiz y famia †Maria Geerman y †Boei Geerman y famia, †Pedro Danje y Maria Danje y famia

Tanta grandinan: Nicomeda Roellok, Colastica Henriquez

Ex Suegra: Isabel Cristina Pinilla

Ihanan na Aruba y Colombia, Subrino(a)nan na Hulanda, Swa y cuñanan na Aruba y Colombia, Primo(a)nan, Bisiña y conocirnan

Coleganan di Mariachi Nacional

Mihor Amigonan: Ming Maduro y Franklin Piña

Amigonan di cas: † Felepito y Maria Caster, Jose Arias Abadia

Demas famia: Danje, Werleman, Angela, Curiel, Gomez, Ruiz, Donata, Muñoz, Duarte, Koolman, Maduro, Henriquez, Kelly, Kock, Bello, Dirkz, Roellok, Lue, Geerman, Danjo, Ras

Nos ta pidi nos disculpa si den nos tristesa nos por a lubida un of otro Famia.

Ta invita pa e acto di despedida cual lo tuma lugar Diasabra 23 di April 2022 na Aurora Funeral Home di 2or pa 4or di atardi. Cremashon lo tuma lugar den seno familiar.

“Pasobra Dios a stima mundo asina tanto cu El a duna su unico yiu, pa tur esnan cu kere den dje no bay perdi, ma haña bida eterno.”

Huan 3:16

Cu hopi dolor na nos curason pero agradecido pa tur locual el a nifica pa nos, nos ta anuncia fayecimento di:



Dominico Kock
“Nicky”
“Nicodemus, vriend van je Zus”
*20-12-1946 - †15-4-2022

Na number di su:

Mayornan: † Pablo Kock
† Sofia Kock – Orman

Esposa: Palmira Kock-Solognier

Yiunan: Egbert Kock & Patricia Quandus, Elvin & Vanessa Kock-Winterdal, Ghislaine Kock & Mustapha Baroud

Nietonan: Nevin Kock & Cynara Nicholson, Dane Kock Savion Kock & Vance Kock, Adilah Baroud & Zivah Baroud

Mama di su nieto: Jeanine Tromp

Rumannan: Donald Becker y Famia
†Alfonso Pirela y Famia

Amigonan di Cas: Benjamin y Carmensita Cornelio-Kock y Famia
Janny Acevedo, Joseline Sulbaran y famia
Kathy Sulbaran y famia, Eric Gomez y Famia

Comer- y Compernan

Prima- y Primonan: Kelly y Wever y famia

Cuna y Swanan

Ex-coleganan y coleganan di Trabao: Bouwmaatschappij Aruba, Albo Aruba, Office Systems Aruba, RMH Special Security Team.

Amigonan, conocinan y conosirnan di: Companashi y Pier di Hadicurari.

Amigonan y companeronan di Sportvereniging Racing Club Aruba (RCA) y Sportvereniging Inter.

Demas Famia: Kock, Solognier, Orman, de Lange, Kelly, Stamper, Quandus, Winterdal, Baroud, Tromp, Becker, Cornelio, Donata, Moscato, Millan, Bontekoe, Croes, Werleman, Boekhoudt, Frans, Ruiz, Balinge, Albertsz y demas famianan den exterior.

Ta gradeci Dr. Rasmijn, Dr. Gutieres, Dr. Torres, Dr. Cabenda y Koningin Wilhelmina Kankerfonds pa e asistencia brinda. Den misa lo bay tin un box di donashon disponibel pa Koningin Wilhelmina Kankerfonds.Acto di condolencia lo tuma lugar na Royal Funeral Home diahuebs 21 di april 2022 di 7or pa 9or di anochi.

Nos ta invita tur famia, amigo y amiga, bisiña y conocinan pa asisti na e acto di intiero cual ta lugar dia 22 di april 2022 na Misa Pro-Cathedral San Fransisco di Asis di 2’or pa 4’or di atardi. Despues lo Sali pa Santana Catolico na Playa.Nos ta pidi disculpa si den nos dolor y tristeza nos por a lubida di menciona algun familiar.

Su amor y cariño pa ser humano ta inolvidabel. Nos a perde un amor di casa, mama, ruman, tanta, cuña, prima, pero Dios ta ricibi un precioso Angel den Su Reino Celestial.

Cu tristesa na nos curason, pero conforme cu boluntad di Dios, nos ta anuncia fayecimento inespera di



Abigael Julia "Ella" Koolman-Rasmijn
06-05-1957 – 15-04-2022

Na number di su:

Esposo: Juan Koolman
Yiunan: Marvin Koolman
Marcell Koolman

Mayornan: †Guillermi y †Maxima Rasmijn-Croes

Suegronan: †Gumersindo (Chemi) y Victoria Koolman-Kock
Rumannan: †Betty y †Shondo van der Linden-Rasmijn, Ina y Edwin Croes-Rasmijn y yiu, †Hildo y Greta Rasmijn-Paskel y yiu, †Chelito Rasmijn, Eric y Victoria Rasmijn-Alvarez y yiunan Meno y Dina Rasmijn-Ras y yiunan, Benito y Lica Rasmijn-Jansen y yiunan, Ermita y Franklin Naranjo-Rasmijn y yiunan Jacinto y Maria Rasmijn-Da Silva y yiunan, Alda Rasmijn y Etley Lasten y yiunan, Mando y Marinelly Rasmijn-Echevery y yiunan, †Dolfi Rasmijn

Swa- y cuñanan: Marie y Charles Kock-Koolman y yiunan Mena y Elbert Julen-Koolman y yiunan Eric y Leonela Koolman-Rivera y yiu Eugene y Miluska Koolman-Croes y yiunan

Su sobresobrino/anan

Su ihanan: Linchi Paskel, Mairi Naranjo, Justin Kock

Su madrina: Cecilia Croes

†Cita Croes

Su padrino: †Marcelo Croes

Su tanta: Marie Croes Maduro

Su primanan manera ruman: Mercedes Samson y Sonia Yrausquin

Su bon amigo- y bisiñanan: Dolfi y Belen Kock, Frank y June Stolp, Remi y Lucia Flanegin, Frida Evertz, Renato Loefstop y Tica Boekhoudt, Demas primo - y primanan, bisiña- y amistadnan.

Ta invita pa compañía famia-y amistadnan na e acto di entierro cu lo tuma luga diahuebs 21 di april 2022 na Aurora Funeral Home, 2:00-4:00pm despues ta sali pa Santana Catolico de Vries na Santa Cruz.

Nos disculpa si den nos tristesa, nos por a lubida menciona un of otro persona.

Pesei boso tambe tin tristesa awor; ma lo mi mira boso atrobe, y boso curason lo regosihá, y ni un hende lo no kita boso goso for di boso

Juan 16:22

Cu inmenso tristesa na nos curason nos ta anuncia fayecimento inespera di:



MIRTO FRANKLIN CROES
*20-12-1960 - †14-04-2022

Su tata: † Pedro Angel Croes

Su mama: † Anna Maria Croes-Werleman

Na number di su:

Casa stima: Arelis Maria Croes-Gonzalez

Unico yiu: Franklin y yiunan Kyle, Kaylee-Ann y Kyon Croes

Yiu di criansa: Miguel Andres Gotopo

Mama di su nietonan: Yrama Solognier y famia

Rumannan: Ruben y †Sandra Croes-Maduro, Pedro Angel Junior y yiu Yael Croes

Tanta y Omonan: Marina Reyes-Werleman y †Luis Reyes, †Edy y Margo Werleman Croes y famia. Francisca y †Henry Henriquez-Werleman y Famia.

Lusinda y Harold Burne y Famia

Ricardo y Julianita Werleman-Henriquez

Max y Tina Werleman-Koolman y famia

Ubaldo Werleman y famia

Lucia Feliciano-Werleman y † Ruben y famia

Leoncita y Thomas Hernandez-Croes y yiunan na Hulanda

†Nicolina Willems-Croes y famia

Maxima y Leon (Ireno)Kock y yiuinan

Maximiliano (Chommy) Croes y yiunan

Omo grandi: Frans Croes y yiunan

Swa y Cuñanan: Altamira y †Augustin Meza y yiu

Arol Gonzalez y Jolanda Matos y yiunan

†America y Giovanni Bozo y yiunan

Alida y Danny Morales y yiunan

Angelica y Julio Socorro y yiunan

Ihanan: Ricardo Thomas, Juan Pablo Rincon, Armin Marin, Emperatriz Maria Gonzalez Petit

Bon bisinjanan: Reynold y Maribel Solognier y yiu, Kenrick y Charmaine Tromp y yiunan,

Richard y Jeanine v/d Hoorn y yiunan, Virginia 'Chichi' Ventura, Antonios y Charles Brouwer,

Janny Acevedo, Joseline Sulbaran y famia, Kathy Sulbaran y famia

Primo y primanan, amigo y amiganan, su Colega di Elmar y The Specialist demas famianan, Croes, Gonzalez, Werleman, Koolman, Geerman, Lampe, Hernandez, Willems, Kock, Flanegin, Feliciano, Urdaneta, de Cuba, Burne, Henriquez, Reyes, Brouwer, Ventura, Maduro. Solognier, Williams y De Vries, Kelly, Vargas, Wever Famianan na Venezuela, USA y Hulanda

Oportunidad pa condolencia ta diahuebs 21 di April di 7 pa 9 pm na Aurora Funeral Home y acto di despedida ta Diabierna 22 di April 2022 di 9 pa 11 am na Aurora Funeral Home. Cremacion ta tuma lugar den seno familiar.

Disculpa nos cu den nos tristeza nos por a lubida algun famia y conócir.

Enbes di krans of flor, lo tin un box disponible pa un donation na Special Olympics Aruba

“Señor ta mi wardador, mi’n tin falta di nada

Den cunucu di yerba berde e ta ponemi sosega.

**E ta hibami na awa trankil,
Pa mi bolbe haña forsa”.**

Salmo: 23

Nos ta anuncia fayecimento di:



Esmeralda Alicia Maduro

***20-11-1962 - †14-04-2022**

Na number di su:

Yiunan: Jessica Fingal y Axel Fandino y famia, Edsel Fingal y Sharissa Gonzalez y famia, Arnalda Fingal y Kenrick Van den Berg y famia

Nieto(a)nan: Candace Fandino, Ezequiel Fandino, Edilianne Fingal y Ezabella Fingal

Mama: sra. Placida Kransen

Tata: †sr. Alexio Maduro

Su amiga stima y di confiansa: Chacha

Rumannan: Miguel y Eva Maria Maduro y famia, Vilma de Cuba y famia Miguel Maduro y famia, Sixto y Rona Maduro y famia, Maria de Mercedes y Cedrick Kock y famia, Leoberto y Dorothy Maduro y famia, Randy Maduro y Mirla Geerman y famia

Sobrino(a)nan, Sobre sobrinonan, Omo y tantanan, Swa y cuñanan, primo y primanan, amigo y amiganan.

Su hefe: sr. Ravee Boolchand Nandwani y famia.

Tur su coleganan di Boolchands en especial sra. Vivian y esposo, demas amistades y conocir.

Demas famia: Maduro, Fingal, Kransen, de Cuba, Kock, Geerman, Diaz, Loefstok, Salas Tromp.

Despensa nos si den nos tristeza nos por a lubida un of otro persona.

Oportunidad pa condolencia ta tuma lugar dia 22 di April 2022 na Aurora Funeral di 7 or di anochi pa 9 or di anochi.

Ta invita pa e acto di entierro lo tuma luga diasabra 23 di April 2022 na Misa Inmaculada Concepcion na Santa Cruz di 11’or pa 2’or di merdia, despues lo Sali pa Santana catolico Sta. Maria na Sta. Cruz.

Ta lamenta cu no ta ricibi bishita despues di entierro na cas.

14 Si un hende muri, lo e bolbe biba? Tur e dianan di mi lucha lo mi spera, te ora mi liberashon bin.

15 Abo lo yama, i ami lo kontestáBo; lo Bo anhelá na e obra di Bo mannan.

Job 14:14,15

Nos ta anuncia fayecimento inespera di:



Victoriano “Billy” Bikker

***04-07-1940 - †18-04-2022**

Na number di su:

Mayornan: †Willebrordo Bikker y †Maria “Mama Gia” Krozendijk

Esposa: Yolanda “Yoli” Bikker – Ramirez

Yiunan: Ximena y John Torres y yiunan, Billy (Boy) Bikker y famia Vanessa y Roger Bikker- Villamarín y yiu, Xilienne Bikker y Adrian Florez y yiu

Ex casa Maria Wernet y yuinan:

Kenneth Bikker y Marian Krozendijk y famia, Randy Bikker y Anchie Maduro y famia, Yui di crianza Micheal Books

Demas yuinan: Johnny y Debby Kock y famia, Victor (Bibi) Bikker y Femke Hooijmaijers y famia, Marina y Johnny Smit - Gonzalez y famia na Hulanda, Sophia Stewart y famia na Merca, Xiomara Dukuly y famia na Merca Ferdinand de Pla y Paula Oomkes y famia na Hulanda, Jouel Rosel y famia na Hulanda, Marlon Rosel y famia na Hulanda, Jerrel Apostel y famia na Hulanda, Judith y Julio Gross y famia

Rumannan: † Felix (Efe) Bikker y famia, †Olga Koolman – Bikker y famia †Egbert (Betty) Bikker y famia, Manie Bikker y famia, †Evaristo (Bara) Bikker y famia, †Dominico (Bico) Bikker y famia, Lenie y Donny Marselia-Bikker y famia

Tantanen:Sra Supriana Luciana-Maduro y Famia, †Macaria “Chichi di Belin” Croes-Krozendijk y Famia

Nieto y Nietanan, Bisa- Nietonan, Sobrino y Sobrinanan, Primo y Primanan, Swa y Cuñanan, Hopi Amigonan y Conocirnan (Mucho hopi pa menciona).

Amigonan Testigonan di Jehova

Coleganan di Jossy Motors y ex Coleganan di Carib Motors y Star Motors

Demas famia: Bikker, Krozendijk, Ramirez, Koolman, Croes, Marselia, Dirks, Torres, Villamarín, Florez, Kock, Gonzalez, De Pla, Apostel, Rosel, Gross, Creeze, Duzandson, Stewart, Dukuly, Potes.

Despensa nos si den nos tristeza nos por a lubida un of otro Famia of Conocir. Ta invita pa e acto di Despedida cu lo tuma lugar diabierna 22 di April 2022, for di 2or te cu 4or na Aurora Funeral Home.

Oportunidad pa Condolencia lo ta Diahuebs 21 di april, 7or pa 9or pm.

Adres: Caya Frere Henricus 4. Paradijswijk.

(Hanchi dilanti Dyon Center)

Despues di acto di entierro no ta ricibi bishita na cas.

Cremashon lo tuma lugar den seno di Famia y amigo.

BONERIANO®

EDITOR:
Bonaire Communication Services N.V.

Djárason 20 april 2022 | Preis: \$1.00

KORTE A RECHASÁ APELASHON DI RALPH NOLEN

King i Queen of the Caribbean



Riba un parke Wilhelmina bon bishitá, FORSA a otorgá premio na e ganadónan den e kompetensianan di windsurf ku a tuma lugá den dianan tras di lomba. Grupo Tutti Frutti i tambe leerorkest a entretené esnan presente, miéntras a koroná Sara-Quitta Offringa di Aruba i Kiri Thodé di Boneiru komo King & Queen of the Caribbean Windsurf.

Hulanda ke
rekonosé
papiamentu komo
idioma minoria
den Europa

Página: 2

Stowe no ke
keda
Boneiru

Página: 3

Un año
intermedio pa
alumnonan
ku a kaba
HAVO òf VWO

Página: 6

CHANGAN AUTO



ALSVIN

f /dabboussimotors

Ready for
your next
job?

For new great job opportunities,
send us a WhatsApp message!

(+599) 785 3011

Or apply online: career.tempobonaire.com

xerox™

OBERSI
ELECTRONICS
BONAIRE

NAPA 35 AÑAS
SIRBIENDO BONEIRU

Live
FM 99

Hulanda ke rekonosé papiamentu komo idioma minoria den Europa

KRALENDIJK – Hulanda ke rekonosé papiamentu komo idioma minoria den Europa. P'esei Den Haag a entregá un proposishon pa laga e idioma kai bou di karakter europeo pa protekshon i promoshon di idiomaan regional di idiomaan minoria.

E meta di e karakter ta di un banda pa protekshon i promoshon di idiomaan regional i idiomaan di minoria komo un parti menasá di patrimonio kultural europeo i di otro banda ofresé papiadónan di idiomaan regional òf idiomaan di minoria e posibilidat pa usa

e idiomaan aki tantu den públiko komo bida diario.

Desde 1998 e karakter akí ta konta eksklusivamente pa e parti europeo di Hulanda, pero segun e minister di asuntunan interior, tin espasio pa un adaptashon riba áreanan spesífiko pafó di Europa ku ta forma parti di áreanan teritorial di tratadonan estatal i kaminada ta usa idiomaan regional òf idiomaan minoria.

Den e afspraak di maneho di papiamentu na Boneiru ku Entidat Públiko Boneiru, anteriormente a stipulá ku papiamentu na Boneiru ta bou di preshon enorme

di otro idiomaan pa kua esaki atraves di tempu por kondusí na suakmentu di e idioma indeseabel. Un rekonosementu di papiamentu na Boneiru bou di e karakter lo reforsá e posishon i status di e idioma strukturalmente, segun e minister.

Komo ku e aprobashon i ampliashon di e karakter pa e parti karibense di Hulanda tin relashon riba papiamentu na Boneiru, tin menshon di un idioma regional den e parti karibense di Reino, e karakter lo toka Aruba, Kòrsou i St. Maarten tambe.

Djárasen 20 april 2022



SR International N.V.

ta buska

1 electricien

Pa mas inf. por yama

+5999-690 5272

Con Dulce Services N.V.

ta buska

1 electricien

Pa mas inf. por yama

795-7545

Karel's Beach Bar & Watersport

ta buska

1 hulpkok

Pa mas inf. por yama

717-8434

L'Orne Sage Services B.V.

ta buska

2 medewerkers huishoudelijke dienst

Pa mas inf. por yama

788-7267

Ecua Bon Construction B.V.

ta buska

2 metselaar

Pa mas inf. por yama

782-2903



OPENBAAR LICHAAM
BONAIRE



REUNION KOMISHON FIHO
PLANIFIKASHON I DESAROYO

Un reunion di komishon fiho lo tuma lugá riba djaweps **21 di april 2022 pa 16.00 or** den sala di reunion di Konseho Insular den Passangrahan.

Agènda:

1. Apertura / partisipashon;
2. Oportunidat pa suidatano hiba palabra;
3. Stipulashon di agènda;
4. Stipulashon di relato kòrtiku i lista di desishon di 3 di yùni 2021 (ER-2022000181) i 9 di febrüari 2022 (ER-2022000067);
5. Splikashon riba e promé diseño di e nota di maneho di tereno Boneiru 2022-2025 (ER-2022000200);
6. Klousura.

Pa tratamentu di punto di agènda 5 ta invitá sr R. Begina. Ta publiká e konvokashon akí riba e parti públiko di e sistema di informashon di Konseho Insular (www.konsehoinsular.com). Ta transmiti e reunion 'live' atraves di Nos Tv i Dutch Caribbean TV i via radio atraves di Alfa FM 93.1. Por sigui e reunion tambe riba nos página di Facebook i youtube.

N.F. Silberie
Presidente



New

Orco Bank is
in your pocket

At Orco Bank we want to be
closer to you and your needs.



Your Personal Banker

The new **Orco Bank** App provides all the benefits of having fast and easy banking anytime, anywhere.



Scan the code
for more information

Stowe no ke keda Boneiru

KRALENDIJK- E dos nan aki pa algun dia tabata stowe ku ya pa dos siman será den Instituto Hudisial tabata riba nos isla, a bolbe Hulanda Karibense (JICN) nan pais riba djabièrnè 15 riba e departamento ku di april último. E hòmbere strañeronan indokumentá

ta detené.

Riba barku

Riba 31 di mart último Koninklijke Marechaussee (KMar) den koperashon ku Servisio di Haf i Lots di Entidat Públiko Boneiru (EPB) a rekuperá dos stowe fo'i un tènker ku tabata rumbo pa Boneiru. E barku tabata den awa teritorial di Boneiru na momentu ku outoridatnan a disidí pa baha e hòmbenan aki for di e barku. Nan estado di salú tabata bon pero e situashon no tabata sigur pues praktikamente a reskatá e hòmbenan. Ambos hòmbere ta bini fo'i Repùblika Dominikana. Una bes riba nos isla Kmar a duna nan oportunidat pa papia ku nan famia via telefòn. Despues a hiba nan den 'vreemdelingenbewaring' na JICN. "Den JICN tambe nan tabatin oportunidat pa hasi yamada telefòniko", bosero Erik Buller ta splika.

Na inisio e hòmbenan a hasi petishon pa asilo na Servisio di Imigrashon i Naturalisashon Hulanda Karibense (IND).

Pero despues nan a kambia di idea i a hala aden nan peti-shon. E motibu pa ku esaki no ta konosí pa BONERIANO.

Ta enserá ku no tin niun motibu legal pa nan keda riba nos isla pues outoridatnan a sòru pa nan deportashon.

Mensaje de La Virgen Maria Reina de la Paz, 25 de MARZO de 2022, Bosnia Herzegovina, Solemnidad de la anunciación

"Queridos hijos! Escucho su clamor y sus oraciones por la paz. Durante años Satanás ha estado luchando en favor de la guerra. Por eso Dios me ha enviado entre ustedes: para conducirlos por el camino de la santidad, porque la humanidad se encuentra en una encrucijada. Los invito a regresar a Dios y a sus Mandamientos para que estén bien en la tierra y para que salgan de esta crisis en la que han entrado por no escuchar a Dios que los ama y quiere salvarlos, y llevarlos a una vida nueva. ¡Gracias por haber respondido mi llamado!" 03/25



Captain Don's Habitat "the home of diving freedom" with 46 years of diving experience has evolved into a world renowned resort catering to today's most demanding diver, business and leisure travelers. Set amidst lush green gardens with colorful decor and landscaping we now offer the comfort of 6 deluxe varieties of accommodations, fresh water pool, great dining and entertainment options, friendly service, and of course the best house reef for diving and snorkeling in the Caribbean 24 hours per day, 365 days per year.

To make our team stronger we are looking for

- Front Desk Clerk
- Housekeeper
- Dive Master
- Dive Instructor

WE ALSO HAVE VACANCY FOR A DIVEMASTER AND DIVE INSTRUCTOR

Are you looking for a challenge ? Please send your Application letter together with your Curriculum Vitae to rdm@habitatbonaire.com attention to Mrs. Valerie Trenidad or feel free to pass by personally.

Center Body Car Polo N.V.

ta buska

1 electro monteur airco's
1 auto-monteur

Pa mas inf. por yama **717-6590**

Center Body Car Polo N.V.

ta buska

1 auto-monteur

-mester tin 1 aña di eksperensia

Pa mas inf. por yama **717-6590**

*"For what is a man, what has he got? If not himself then, he has naught
To say the things, he truly feels. And not the word is of one who kneels
The record shows I took the blows. And did it my way"*

Frank Sinatra

A bai sosegá

Cornelis Alejandro Vis

mihó konosí komo "Juny"

*22 febrüari 1977 - † 31 mart 2022



Na nòmber di su mayornan:

Irenne Vis-Lamp i† Elio Vis

Su ruman:

Arrelis Vis

Su subrinanan:

Felicity i Trinity Hinkert

Tur tanta i tio

Tur prima i primu

Amigu i konosínan

Na nòmber di famia:

Lamp, Vis, Daal, Merckies, Mercera, Calmes, Flores, Everts, Copra, Sint Jago, Blanken, Willems, Domacassé, Martines i Tyrol.

Nos ta pidi nos diskulpa na tur persona ku den nos tristesa nos por a lubidá.

Kremashon a tuma lugá na Hulanda dia 8 di april último.

Na Kòrsou ta risibí bishita di kondolensia djabièrnè 22 di april na misa di St. Maria pa 14:15 sigui pa un respòns. Despues ta hib'é su delaster lugá di sosiegu den santana Bethania na Brievengat. Ta pidi tur persona pa asistí na trahe alegre.



Programanan di Bonaire.tv

TELBO kanal 70

Flamingo TV kanal 23

Djárason 20 april 2022

12.00 Herensia:

13.00 AkiAruba:

14.00 Herensia:

15.00 BAPA:

16.00 Herensia:

17.00 AkiBoneiru:

18.00 Herensia:

19.00 BAPA:

Johan Giskus 2

Annette Maria Maduro

Hermenegildo Jacinto (Buchi Hildo) Wijman

Susy Martines-Bernabela

Saida Hernandez-Augustina 2

85 Aña Adelfa Dé St Jago

Lucia Otilia Balentin

Zarzinio Josephia & Lucia Schoop

20.00 Aktualidat:

21.00 Dokumental:

22.30 Herensia:

Daisy Coffie 5

Buriku

Wintrop (Prins Bernardfonds) -

Strika y Paña Antes

Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.

ASOTEKO ta sostené sindikatonan

Hustisia sosial

KRALENDIJK -- Pa basta tempu kaba sindikatonan a keda ketu. Esei ta e preparashon' promé ku un orkan, pero ku un orkan lo bini tardi òf trempa, ta sigur. No pa bai bèk na un ideologia bieu ku no por funshoná. Tampoko pa hasi bochincha i kibra tur kos sin sentido. Nò, simplemente pa yega na hustisia sosial, usando método pasífiko. Boneiru mester di dje urgentemente, di akuerdo ku Michiel Bijkerk na nòmber di ASOTEKO.

Bijkerk ta di opinion ku suèldu ta muchu abou, hür di kas ta muchu haltu i komestibelnan ta muchu karu. Gobièrnu di Boneiru no ta

saka tereno di èrfpagt mas, kaminda hende pover por biba sikiera den un kòntainer, pasobra nan no por paga e hürnan haltu mas. I riba nan propio tereno nan por traha nan propio kas poko poko. Gobièrnu a bira loko. Tin mas ku 1.100 hende ku a pidi tereno sin haña.

Hulanda a primintí un mínimo sosial komo un punto na horizonte. Ko'i kens esei ta, segun Bijkerk. Si bo ta purba yega na e punto ei, lo bo ripará ku ta imposibel. Pasobra e horizonte semper ta keda mesun leu. Ku otro palabra, sí bo kier hasi un promesa sinsero, e mester ta konkreto.

Promesa vago

Dia 5 di mei sindikatonan ta organisá un manifestashon pa splika tantu gobièrnu hulandes komo gobièrnu di Boneiru ku pueblo ta spera mas ku promesanan vago manera puntonan na horizonte. Mester yega na afspraak konkreto. Por ehèmpel dentro di dos aña suèldu mínimo lo subi te 1,400 dòler, AOV te 1,300 dòler i ònderstant te 1,000 dòler. Esei ta un promesa ku hende por kere. No ta korekto pa tene hende na liña ku nònsens, segun Bijkerk.

Bijkerk: "Sindikatonan tambe ta protestá kontra diskriminashon entre

hulandesnan bibá na Hulanda i hulandesnan bibá na Hulanda Karibense riba tereno di suèldunan i otro derechonan sosial. Anto atrobe nan tin rason. For di 2010 BES a bira parti integral di Hulanda. E ora ei nivel di tur derecho humano mester ta igual. Leinan entre Hulanda i BES por tin reglanan diferente, pero e nivel di derechonan básiko mester ta igual. Esei ta un demanda rasonabel, pasobra Hulanda i BES tin mesun konstitushon."

Wega di patronahe

Bijkerk ta haña ku kualke persona ku ta deseá di haña un tereno di èrfpagt i

tòg ta sigui vota pa MPB/UPB, ta kompletamente loko.

Paga tinu, PDB tampoko ta bisa nada over di e asunto di tereno di èrfpagt i esei no ta straño, pasobra nan tambe semper a hunga mesun wega di patronahe.

Úniko chens pa Boneiru yega na un nivel sosial akseptabel i na otorgamentu di tereno hustu, ta un partido kompletamente nobo. Tira tur e otro nan den sushi numa. Esaki ta e momentu pa un partido polítiko nobo sali dilanti ku su propio vishon i ku un programa basá riba e idea ku siudadanonan ta konta ainda, Bijkerk ta skirbi.

'Big Live Nature Quiz' di DCNA

KRALENDIJK -- Dutch Caribbean Nature Alliance (DCNA) ta invitá tur habitante di Aruba, Boneiru, Kòrsou, Saba, Sint Maarten i Statia, pa partisipá na e promé kues di naturalesa 'Big Live Nature Quiz' djaweps 21 di april di 6'or pa 7'or di atardi.

E ta grátis, 'online', live, interaktivo i ta trata di preguntanan tokante animalnan ku ta kore peliger di ekstishon.

E kues di plaser akí ta na ingles, pero e preguntanan tin tambe nan suptítulo na hulandes i papiamentu. Por partisipá for di kas via konekshon di internèt 'online' òf por bai na un di e lugánan di transmishon bibu riba kada isla.

Por djòin individual òf forma tim ku por máksimo 4 persona. E tim ganadó ta gana un paseo ku oportunitat pa snòrkel riba boto di bela rònt di nan isla.

Sigurá e partisipashon ku registrashon na biglivenaturequiz.org

Tin un pouza chikitu meimei pa por sosialisá i tuma algu di bebe i pasaboka pa prepará pa bai di dos rondu.

Na Boneiru e lugá ta Hillside, Long Haul na Saba, Ocean View Terrace na Statia i Dinghy Dock Sailors Bar na St. Maarten, kaminda tin transmishon bibu di e kues.

E kues tin un total di 20 pregunta komun, den e sistema di eskoho múltiple. E preguntanan ta inklui e espesienan manera turtuga di laman, tribon i yuana.

Sosten

DCNA ta sostené STI-NAPA Bonaire, CAR-MABI na Kòrsou, Aruba National Park Foundation, Saba Conservation Foundation, STENAPA na Statia i Nature Foundation St.

Maarten, entre otro ku nan programanan edukashonal. A krea e kues 'online' 'Big Live Nature Quiz' pa eduká siudadanonan tokante konservashon di naturalesa na un manera interaktivo prèt, pa krea orguyo tokante e naturalesa di e islanan, motivá práktikanan ku ta bentahoso pa medioambiente, sostené proyektonan di konservashon di e parke nan i ta konektá hende ku otro den e área di Hulanda Karibense.

E kues ta un aktivitat ku ta ripití anualmente pa adulto i mucha. E edishon pa mucha ta planeá pa kuminsamentu di òktober.

'Big Live Nature Quiz' ta haña fondo generoso di e Ministerio di Agrikultura, Naturalesa i Kalidat di Kuminda, LNV, di Hulanda i e aktividatnan di DCNA ta haña sosten di Postcode Loterij di Hulanda.

DCNA Ministry of Agriculture, Nature and Food Quality of the Netherlands NATIONALE POSTCODE LOTERIJ WeConnect

Big Live Nature Quiz 2022

Dutch Caribbean

Multi-lingual!

Gana un paseo ku boto di bela i snòrkel

KUES GRÁTIS ONLINE PA ADULTO

21 DI ADEL 2022 6PM- 7PM (AST)

REGISTRASHON ONLINE: BIGLIVENATUREQUIZ.ORG



Ban sigui riba e tópiko di papia-
mentu un poko, ku e meta pa
trata na yuda e asuntu di idioma
papiamentu. Hopi bia ta sosodé,
momentu un turista puntra e
boneriano sierto palabra, ku e
boneriano ta bis'é e palabra òf
skirbié inkorekto, pasobra e no
konosé su idioma. Djis gaña skir-
bi un lèter na hulandes inkorekto,
lo bo tende kuantu hende lo tenta
bo, ku nan rason, i pone riba face-
book òf va app.

Tur dia kantidat di frase inkorekto
skirbí entre otro riba facebook i
niun ser humano ta rel, te pa nan
trel. Esei ta e realidat. Ta bon pa
e organisashon di idioma papiam-
mentu, mi bon amiga Elsmarie,
kuminsá aktua, promové, motivá
pone regla, eksigí pa e idioma pa-
piamentu ta korektamente skirbí
(tur kaminda). Manera na skol
ya ta e kaso, pero tin hopi otro
kaminda importante ku e no ta
sosodé.

Tin hopi hende ku bon konose-
mentu di papiamentu, sinembar-
go nan no ta pone nan mes den
posishon pa esei. Un di e moti-
bunan ta ku no tin preshon riba e
idioma. Niun kaminda ta obligá e
hende pa e por dominá bon pa-
piamentu. Mi ta asumí ku esei ta
solamente pa un yefrou di skol
pa e siña e mucha. Niun otro ka-
minda ku mi sa no ta eksihí esei.
Tampoko den prensa.

Mester kuminsá eksihí pa un
kompania tin un hende pa skirbi
karta, komunikado, propaganda,
artíkulo, storia, nòmber di kaya-
nan i hopi kos mas korektamente.
Mester kuminsá un kaminda.
Spèlchèk ta yuda, sinembargo si
bo no konosé papiamentu, bo ta
skirbi e palabra inkorekto tòg.

Por ehèmpel: bùk ta nifiká bùk
kue algu. Mesun palabra, sin ak-
sènt skèrpi, ta usá den entre otro
'buk un pasashi'. No ta riba tur pa-
labra ta pone aksènt kon ku para
keda. E tin su manera pa pon'é.
Si pon'é inkorekto, e por indiká un
palabra ku no ta eksistí òf tambe
un palabra malu, palabra bulgar.
Meskos mester sa kon traha fra-
se. Asina i hopi mas. Manera mi a
bisa, mi sa un tiki i tin hopi ku sa
mas ku mi. Pero mester kuminsá
pone dilanti pa nos idioma ta ko-
rektamente skirbí, meskos ku tur
otro idioma.

Pa awor mi ta kere te aki mi a
yega ku e asuntu di papiamentu
i mi ta wak kiko otro tin pa sigui
elaborá ariba. Sigur mi no ta bus-
ka kos pa kritiká, pasobra bisa ta
kòrtiku riba e mundu aki i pakiko
pulushá ku hende. Aki aya ta bon
sí pa hala poko atenshon i pone
kosnan poko na òrdu. Saludo felis
siman.

Gobièrnu no mester atendé apelashon pa 'gedoogbeleid'

KORTE A RECHASÁ APELASHON DI RALPH NOLEN

KRALENDIJK- Korte
den Promé Instansia a disidí
ku Entidat Públiko Boneiru
(EPB) no mester atendé e
apelashon di Ralph Nolen.
Propietario di Our Cof-
feeshop, a entamá un kaso
den korte segun prosedura
di derecho atministrativo
(WAR). El a demandá pa
gobièrnu atendé su apelas-
hon pa motibu ku a rechasá
su petishon pa pèrmit.

E situashon

Nolen, komo empres-
ario, ke un pèrmit pa e por
bende mariwana legal-
mente. E ta kuestioná pro-
seder di gobièrnu mirando
ku na Hulanda si ta apliká
e 'gedoogbeleid'.

Na Boneiru no tin un
maneho di toleransia pues
Konseho Ehekutivo a re-
chasá Nolen su petishon
pa un pèrmit. Konsekuen-
temente el a apelá e desis-
hon aki. Kolegio Ehekutivo
a pon'e na altura ku nan ta
konsiderá ku su apelashon
no ta suseptibel. Pues ku lo
no atendé e apelashon.

Awor praktikamente
hues a duna gobièrnu rason.
Korte a haña ku e puntonan
ku Nolen a trese dilanti no
ta sostené su apelashon.

Ki dia ta bin ku e maneho?

Tin ku remarká ku e
punto aki ta di hopi impor-
tansia pa esnan ku ke hasi
uso rekreativo di mariwa-
na. Pero pa un estable-
mentu por bende mariwana
legalmente mester kambia
lei. Segun EPB un posibel
maneho di toleransia mes-
ter keda aprobá pa e trián-
gulo (Gezaghebber, KPCN,
Ministerio Públiko), Kon-
seho Insular i Minister di
Hustisia i Seguridat. Tur
mester bai di akuerdo ku e
maneho pa esaki por dreña
na vigor.



Promé ku yega asina
leu, mester hasi un investi-
gashon pa sa sí ta deseabel
pa implementá e maneho
aki. Alabes mester konsi-
derá e impakto ku esaki por
tin riba nos komunidat.

Hopi ta kuestioná e nese-
sidad pa e investigashon aki
mirando ku uso di mariwa-
na rekreativo ta sosodé na
gran eskala riba nos isla.

EPB a duna di konosé
ku den e aña aki lo hasi e
investigashon. Kon i den ki
temporada no ta konosí pa
BONERIANO.

Kiko awor?

Nolen ta basta desi-
dido den su afan pa logra
un maneho di toleransia
na Boneiru. E desishon di
korte aki ta hasi nos ku-
rioso pa sa e siguiente stap
di Nolen den su lucha. Se-
gun e propietario di Our
Coffeshop, e no por duna
komentario tokante posibel
medida ku e lo tuma. Esaki
pa motibunan operashonal.
"E desishon di korte sigur
ta lamentabel i ku esaki ta
demonstrá di ta kómplise
kontra e pueblo Boneriano,
den e diktadura sin balansa
ku ta laso direkto. Esaki
sigur ta opvio i lo tene kuen-
ta kuné debidamente", se-
gun Ralph Nolen.

AFI Construction B.V.

ta buska

1 metselaar

Pa mas inf. por yama **785-2022**

DEBE KANSELÁ

Kolosensenan 2:14 "dor di kanselá e sertifikado di debe ku
tabata konsistí di dekretonan kontra nos i ku tabata hostil pa
ku nos; i El a kit'é for di kaminda dor di klab'é na krus."(BS)

Ken no konosé e palabra "debe" awendia? Ta e kantidat di sèn
ku nos mester paga bèk na un persona òf instansia, sea paso-
bra nos a fia sèn pa kumpra algu, òf nos a kumpra algu pa paga
poko poko. Nos ta bira debédó, nos mester paga òf kanselá e
debe i huntu kuné paga interes èkstra.

Bo tabata sa, ku nos tur tin un sertifikado di debe ku nos mester
paga?

E versikulo di awe ta bisa ku Hesus a kanselá nos sertifikado
di debe.

Kiko ta e debe ku kada un di nos tin anto?

E debe ku nos tin ta pasobra nos ta pekadó i ta hasi piká.

Romanonan 6:23a ta bisa: "Pago di piká ta morto", dor ku nos
ta hasi piká, nos a bira debédó i mester paga un preis. E preis
ta morto; físiko i spiritual.

Ma Dios a stima nos asina tantu ku El a manda Su Único Yu
Hesus, pa bin muri na nos lugá i paga e preis di nos piká pa
nos.

P'esei e segundo parti, Romanonan 6:23b ta bisa: "Ma e don
(òf regalo) di Dios ta bida eterno den Kristu Hesus nos Señor."
Esei ta nifiká ku e morto i resurekshon di Hesus ta hasi mi liber
di e kondenshon i ta duna mi bida eterno.

Si asina mes, no morto pero bida eterno den Hesus.

Ban reflekschoná e siman akí riba Hesus, e regalo di Dios pa
nos bida.

Yam'É danki ku El a muri na bo lugá i pidiÉ pordoná bo tur bo
pikánan i aseptá Su regalo di bida eterno.

Pasku ta: Hesus a tuma nos lugá riba e krus i a kanselá nos
debe!

Miralda Paula-Frans

Produkshon PGM

Un año intermedio pa alumnonan ku a kaba HAVO òf VWO

KRALENDIJK -- Na luna di sèptèmber 2022 ta kuminsá ku un año intermedio pa alumnonan di Boneiru ku a finalisá HAVO òf VWO. E año intermedio ta especialmente pa e alumnonan ku ainda no sa ku seguridat kua estudio nan mester skohe, esnan ku ta sinti nan mes demasiado hóben ainda, pa kuminsá un estudio den eksterior òf pa esnan ku ke para ketu un ratu pa wak kiko nan ta bai sigui hasi pa loke ta skol i estudio.

Ku e año intermedio akí nan lo haña un oportunidat pa orientá nan mes bou di guia, mihó i mas amplio i asina tambe prepará pa un siguiente estudio.

Demasiado superfisial Eskoho di un estudio

despues di skol sekundario no ta fásil. Tin masha hopi posibilidat mes i for di Boneiru ta poko fèrfelu pa sera konosí bon ku e estudionan ku ta parse interesante. Pa e motibu akí e preparashon na vários okashon ta demasiado superfisial.

Ta konosí ku na Hulanda un di kada tres estudiante den promé año ta kai afó. Di e studiantenan ku ta kai afó akí 59% ta indiká ku e estudio ta ménos agradabel ku nan a spera. Banda di esaki 62% ta haña e traspaso hopi desepshonante.

Bou di studiantenan Karibense e problema akí ta ainda mas grandi pa motibu ku nan tin di aber ku hopi mas reto. Nan ta bini kai direpente den henteramente un otro kultura i tin hopi difikultat pa haña un

konekshon ku e espektativanan na Hulanda, komo ku e sistema ta deskonosí pa nan.

Eskoho di estudio

E guia pa studiantenan ku ta bai Hulanda ta bon hinká den otro awendia i e skolnan haltu na Hulanda tambe tin kada biaha mas atenshon pa problemanan di e studiantenan Karibense. Sinembargo den e proseso pa hasi eskoho di un estudio, te ainda e hóben ta pará su so. No ta fásil pa nan orientá nan mes bon riba tur e estudionan ku tin for di Boneiru.

Ta hopi mas difisil pa asistí òf partisipá na dianan habrí, dlanan di orientashon, òf dlanan pa prueba di estudio. Banda di esaki tur e energia durante

e último añanan eskolar ta bai na trahamentu di eksámen pa haña e diploma, lokual ta pone ku ta sobra muchu poko atenshon pa e eskoho di un estudio.

Año intermedio

Durante e año intermedio na Boneiru, e partisipantenan ta tuma tempu pa orientá nan mes bon riba nan eskoho di estudio. Nan ta deskubrí nan kualidat i talentonan i nan ta prepará nan mes mihó riba e estudio ku nan a skohe pa sigui kuné.

Hóbennan ku a stòp ku nan estudio i regresá Boneiru, tambe ta bon biní na e año intermedio. Loke ta úniko na e programa akí ta, ku tin hopi énfasis pa purba den e direkshon di estudio ku ke skohe. E partisipan-

tenan ta sigui kursonan kòrtiku den diferente área di edukashon pa wak kua di e áreanan ta kai mas na nan agrado.

Banda di esaki e programa tin dos otro meta importante, esta orientá riba bo mes i mehorá e nivel di idioma Hulandes.

Pa realisá e año intermedio akí a lanta Fundashon Nos Ta Yudá Bo. Pa e kontenido lo hasi uzo di e konosementu amplio di Opleidings Instituut Bonaire (OIB).

Esnan interesá por tuma kontakto ku Gerty Koffijberg òf Rosemarijn de Jong na +599-717-1141 òf via info.oibonaire@gmail.com

Kòrda like e página di Facebook òf Instagram: [tussenjaar.bonaire](https://www.facebook.com/tussenjaar.bonaire).

Ta invertí entre otro den desaroyo di turismo i inisiativanan sostenibel

TCB ta sostené impuesto di turista mas strukturá

KRALENDIJK – Oficina di Turismo (TCB) ta sostené e impuesto di turista mas strukturá. Ku e aktualisashon akí ku a keda desiní pa strukturá e proseso pa drenta Boneiru pa tantu bishitantenan komo pa e partnernan turístiko di nos isla. Ta importante pa bishitantenan komprende ku e suma ku nan ta paga pa drenta Boneiru no ta un impuesto nobo òf adishonal, segun direktor di TCB Miles Mercera. For di 1 di yúli 2022 un impuesto di turista di 75 dòler pa kada bishita ta remplasá e aktual ‘room tax’ i ‘car tax’ di nos isla. Ta usa e entradanan pa infrastruktura, e produktur turístiko, esfuersonan ekológiko i enseñansa na

nos isla. E impuesto ta aplikabel pa tur no-residente di 13 año bai ariba ku ta drenta Boneiru. No-residente di 12 año i mas chikitu i habitantenan di e anterior Antia Hulandes tin ku paga 10 dòler pa kada bishita. Ta paga e impuesto obligatorio digitalmente via un plataforma online ku ta disponibel for di 15 di yúni 2022, òf na yegada na aeropuerto. Pa barku krusero for di 1 di yanüari 2023 un impuesto di turista di 10 dòler pa kada turista lo bini na lugá di loke anteriormente tabata konosí komo ‘headtax’ i e kompanianan krusero lo ta responsabel pa kobramentu i entrega di e impuesto na nòmber di e pasaheronan ku ta bishitá

nos isla. Anteriormente tabata paga e ‘room tax’ i e ‘car tax’ pa persona pa kada anochi na e akomodashon i na momentu di hür un outo. Awor ku a skui e responsabilidad fiskal for di e proveedornan di akomodashon i hür di outo pa no-residente, e proseso aktualisá di kobramentu a keda bon risibí pa sektor turístiko i segun ekspektativa entrada pa nos isla lo oumentá ku mas di 6 mion dòler pa año.

Un solo kontribushon

TCB ta sostené e aktualisashon akí ku a keda desiní pa strukturá e proseso pa drenta Boneiru pa tantu nos bishitantenan komo pa e partnernan turístiko di nos isla. Ta importante pa nos bishitantenan komprende

ku e suma ku nan ta paga pa drenta Boneiru no ta un impuesto nobo òf adishonal, segun Miles Mercera, direktor di TCB. Simplemente nos ta kombiná nos impuesto di turismo eksistente den un solo kontribushon di destinashon, di manera ku pa mayoria bishitante di Boneiru e ta bira un proseso mas simpel i mas kumbiniente. E ta un invershon importante tambe pa loke ta hasi nos isla asina atraktivo, for di nos esfuersonan ekológiko i nos eventonan kultural te nos komunidat lokal floresiente i kariñoso. Djis despues di anunsio di lansamentu di Bonaire Bond, e promesa di destinashon di nos isla ku dentro di

poko bishitantenan por firma outomátikamente na momentu ku nan paga nan impuesto di turismo, huntu ku e introdukshon resien di e promé festival di ròm, e kambio akí ta un otro paso pa dilanti den loke te awor ta un año eksitante i eksitoso pa turismo di Boneiru, segun e direktor di TCB. Ademas for di djárason 20 di april nos bishitantenan no tin mester di mostra un tèt negativo, un prueba di rekuperashon òf un prueba di bakunashon mas na yegada. Tantu biaheronan bakuná komo biaheronan no-bakuná for di tur pais, tin ku yena solamente un deklarashon di salú pa por drenta Boneiru, Mercera a duna di konosé.

Di direktor di RCN

Van Huffelen ta pone fin na dòbel ròl indeseabel

KRALENDIJK – E ròl dòbel di Jan Helmond komo direktor di Rijksdienst Caribisch Nederland (RCN) i representante di Reino interino, ta indeseabel. Esaki Sekretario di Estado Alexandra van Huffelen a deklará siman pasá den un debate ku e komishon di relashon di Reino di Tweede Kamer tokante e koperashon no hopi efektivu desde 2010 di e ministerionan ku e munisipionan partikular Boneiru,

St. Eustatius i Saba.

E anunsio anterior di binida di un 'kwartiermaker' ku mester tuma e organisashon di RCN na su enkargo, entre tantu lo tuma e tareanan di maneho riba su mes. E lo mester sòru ku RCN bira mas partner di e entidatnan públiko i reforsá dunamentu di servisio na siudadanonan, segun e mandatario.

Tokante e futuro di e instituto di representante i Reino, van Huffelen no ke



Sekretario di Estado Alexandra van Huffelen.

bisa algu definitivo ainda. Raad van State a konsehá

pa eliminá e funshon. “Nos por laga e funshon dispar-sé, pero nos mester sòru sí tambe ku e tareanan di representante di Reino mester keda poné otro kaminda. Esaki por ta serka e entidatnan públiko i BZK. Mi ke pone tur kos bunita riba un rei i lo bini bèk na verano,” van Huffelen a duna di konosé.

E ròl sperá di e representante di Reino nunca a lanta kabes. Esaki a kon-disú dos biaha na baimentu

promé ku tempu di e funshonarianan enbolbí i ku despues nunca mas a yena e vakatura. Van Huffelen a pone e preferensia kla pa e mes hopi biaha tin kontakto personal ku e gobiernan-tenan di e islanan.

Kasi tur e partisipantenan na e debate di parlamento a enfatisá pa relashon di koperashon igual entre e islanan i Den Haag. “Ku e palabra nos ta partner, van Huffelen a tene e komishon kontentu.”

J'Nya Clarendia i G'Sean Celestijn a batisá Pasku Grandi

KRALENDIJK—Bunita selebrashon, Santu Sakrifisio di misa Pasku grandi, na parokia La Birgen di Coromoto. Misa kargá ku hende, parokianonan kantando huntu ku kor Flor di Coromoto, selebrando Pasku di Resurekshon. Durante Santa Eukaristia, pader a batisá 2 mucha, J'Nya Clarendia, G'Sean Celestijn

i bendishoná algun persona ku a hasi aña.

Un selebrashon spesial tambe, pasobra kabes di kor Flor di Coromoto, tabata di fiesta. Tamara Molina a kumpli 1 aña mas di bida. Despues di misa tabatin kòfi morgen i tur parokiano a risibí un bòter ku awa bendita fresku fresku bendishoná.



Ciro Statie a limpia pupu di buriku den Rincon

KRALENDIJK—Ciro Statie, djaluna di 2 dia di Pasku di Resurekshon, a hasi un obra di karidad, esta limpia algun bulto di pupu di buriku, djis pega kaminda pader Ivan a saka e simadan di pastó riba e dia. Ta trata di e área ku ta karga e nòmber ‘Plenchi Nolly Celestijn’. Ciro a tuma nota di e shushi di buriku i no a pensa hopi pa elimin’é. Ta trata di shushi ku tabatin ya algun dia. E tabata hopi i fásil pa hende trapa aden. Mirando e kantidat di hende ku tabata bai bin den e área, el a opta pa hisa tur e pupu i bari e lugá, laga e sitio limpi. El a hasi uzo di un hèmber, skòp i basora. Esnan ku a mira loke e tabata hasi, a gos’e i bisa ku e ta un tremendo ‘gentleman’.



Tur loke ta payroll i HR den bo plant'i man!

www.payrollprohrm.com

GET IT ON Google Play

Download on the App Store

Payroll Pro

Sifranan COVID-19 | Boneiru

11-04-22 - 18-04-22

Positivo	Aktivo	Negativo
+167 Total: 8165	122 -95	25805
Di test	Fayesé	Den hospital na Boneiru: 1
+270 Total: 33970	29 +0	



Supermerkadonan a haña sosiegu

KRALENDIJK — Durante e dianan di fiesta, specialmente djaweps i djasabra, supermerkadonan lokal tabata kolmá di kliente. Diferente produkto a kaba, aparentemente pasobra hendenan a kumpra kos mas tantu ku nunca durante dianan di fiesta di Pasku di Resurekshon.

Un produkto pa kua tabatin hopi demanda tabata webu. Na diferente supermerkadu no tabatin

webu mas optenibel. Di mes kaba tabatin skarsedat di webu último tempu riba merkado.

Pasku di Resurekshon webu ta hunga un papel importante. Na algun supermerkadu tabatin webu importá for di Merka riba rèki. Na otro supermerkadu rèkinan di webu tabata blo bashí.

No solamente webu tabata difisil haña. Pan tambe

a kaba na algun supermerkadu, simplemente pasobra e demanda tabata enorme.

Supermerkadonan tabata asina bon bishitá ku tin estableimentu na unda no por a haña garoshi pa pone komestibel asina.

Di otro banda tabata interesante pa mira kon djabièrnè i djadumingu dilanti e supermerkadonan tabata blo bashí. Kasi niun outo, manera por mira riba e fotonan.



Yena buraku na orario straño

KRALENDIJK — Djaweps Santu gobièrnu ta manda hende yena buraku den kaminda. E intenshon sigur ta bon i nesesario.

Pregunta di un outomobilista ta: “No por a skohe un otro orario òf dia pa hasi e trabou? Nèt 12’or di mèrdia mester a hasi esaki? No na e dia ei a burakunan a surgi den kaminda. Ta buraku ku tin algun siman.”

E suidadano ta di opi-

nion ku por a plania esaki mihó. Semper mesun kos ta sosodé. “Unda e maneho ta? No ta pensa promé ku pidi esnan ku ta ehekutá e trabou?”

E outomobilista a pidi BONERIANO pa publiká su preokupashon, ku e meta pa spièrta gobièrnu. E trabou a pone tráfiكو pega den e oranan ei di mèrdia.



Labamentu di pia na kapèl San Francisco

KRALENDIJK—Pader Ranolfo Gonedá, sostené pa Lèktòr akólito Felix Nicolaas, a pèrkurá pa e selebrashon di misa na kapèl di San Francisco, djaweps Santu.

Tabata un selebrashon Eukarístiko spesial, kamin-da a laba pia di 12 persona.

Riba e dia a selebrá tambe sena di Señor.

Durante predikashi, pader Ranolfo, a elaborá riba komentario di hendenan, ku ta bisa; tin bes misa ta dura largu. “Hende ta bin misa i ta komentá tin bia, ku misa tin un durashon muchu largu.

Ai pastor, nos a sinta hopi. Esei ta sosodé, pasobra e hende no ta komprondé e selebrashon,” pader a bisa. Despues di misa tabatin algu di kome i biña (sin alkohòl), pa esnan presente.

Tur hende a bai kas bari-ka yen, kurason kontentu, yen di bendishon.



'Bonaire Celebrities 2022'

KRALENDIJK—Djasabra 16 di aprel a tuma lugá e promé aktividat di 'Bonaire Celebrities'.

Meta di e aktividat ta pa rekonosé esnan ku ta saka kara di Boneiru den eksterior riba diferente tereno. Ta

un organisashon ku ta duna honor na esnan ku ta trese Boneiru den publisidat, pa entre otro, media sosial i ta

haña hopi atenshon.

Ta trata di hende ku ta presentá na televishon, deportista, artista, riba instagram i mas.

Di e manera aki ta stimulá mas hende pa promové Boneiru su nòmber.

Ruthsaida van Heyning-Rafahel a presentá un gospel, despues ku Grace Winklaar a habri e anochi.

Gerald Alberto a presentá algun kantika e anochi pa entretené e invitadonan.

Promé persona ku a risibí su rekonosementu tabata Amado Vrieswijk i despues Irlenska Martinus a presentá un poema.

Siguiente persona ku a risibí un rekonosementu tabata Taty Frans i Maurison Martines. Ir-Sais tambe a haña rekonosementu e anochi.

Algun di esnan ku a haña premio e anochi, un otro persona a tuma e premio.

Algun di nan no tabata na Boneiru. Irsais a papia pa medio di grabashon i a apresia e rekonosementu. Eddy Trinidad tambe e anochi a risibí rekonosementu. Tur premio tabata entregá for di man di Sunida Manuel, Miss Turismo di Boneiru.



Let op!
 Geld lenen
 kost geld

sasio, hala bo

META

mas serka

Interes **10 %**
Periodo di máksimo **5** aña

Fiansa te ku un máksimo di \$ 16.759,68

Den temporada di reto, hopi di nos metanan ta musta inalkansabel. ACU ta kla pa yuda bo **hala bo metanan mas serka di bo.**

Apliká pa un fianza pa un máksimo di 16.759,68 dollar awor na un **interes di 10% (APR 10.96%)** i paga bèk den un **periodo di máksimo 5 aña**. E oferta spesial aki ta bálido te ku **31 di mei 2022**. Kondishonnan di Politika di Fiansa ta aplikabel. Subi www.acu.cw/meta of tuma kontakto ku Member Service Center na (+599) 717-3200 pa mas informashon.

[www.acu.cw / meta](http://www.acu.cw/meta)



Nos ta kla pa bo biahe!

Sera bo seguro di biahe awor i risibí **50% deskuento** riba e kobertura adishonal pa covid-19. E deskuento ta aplikabel pa personanan ku a bakuná.

Bishitá ennia.com, pasa serka nos na ofisina òf bishitá bo broker.



ennia

Sintí bo sigur!





65+

APLIKÁ PA NOS FIANSA

DUNA MI GRANDI UN ÑAPA

Un fianza spesialmente pa abo ku ta e fundeshi di nos koperativa. Nos fiel sosio penshonado riba edat di 65 aña.

Máximo di \$ 4.189,94

Periodo máximo di 4 aña

Interes nominal 10%

Let op!
Geld lenen
kost geld



Sosio, si bo ta penshonado i bo ta riba e edat di 65 aña, apliká pa un fianza pa un máximo di 4.189,94 dollar awor na un interes di 10% (APR 11.10%) i paga bek den un periodo di máximo 4 aña. E oferta spesial aki ta bálido te ku 31 di mei 2022. Kondishonnan di Política di Fianza ta aplikabel. Tuma kontakto ku Member Service Center na +599 717-3200 pa traha un sita of pa mas informashon

[www.acu.cw / migrandi](http://www.acu.cw/migrandi)

Sarah-Quita Offringa i Kiri Thode Queen i King of The Caribbean

KRALENDIJK -- E windsurfistanan Sarah-Quita Offringa i Kiri Thodé, fin di siman pasá largu tras di lomba, pa ta mas eksakto

djaluna último, a keda koroná komo Queen i King of The Caribbean di e evento di windsurf siman pasá den kategorianan Woman Pro i

Men Pro di e kompetensianan di "Forsa King of The Caribbean".

Esaki sigur tabata un gran éksito, un gran evento

i sigur bon organisá.

Hopi trabou pero satisfecho kon tur kos a bai durante e evento aki.

Ya nos a amplia riba e otro resultadonan den e diferente kategorianan, awe nos ta informá solamente di e parti final di e evento ku a tuma lugá djaluna último.

Banda di e kompetensianan riba laman na Sorobon, tabatin tambe kompetensianan otro ramonan di deporte riba "beach" di entre otro Bolas Krioyo.

Un gran trabou di parti e organisadónan.

Riba potrèt por mira momentunan ku a kaba koroná Sarah-Quita Offringa komo Queen i Kiri Thodé komo King Of The Caribbean. Sigur dos kampion profeshonal den windsurf ku hopi aña di eksperensia den e deporte di bela aki riba laman.

Pabien na nan i tambe na e otronan ku tambe a kai den premiashon den otro kategorianan.



Yònkuman ta yuda sùr



Un yònkuman djaweps santu, tabata yuda sùr Crispina bai misa na Kapèl San Francisco. Sùr tin poko difikultat pa kana distansia largu i a pidi Lindomar Sint Jago, pa kompañ'é kana di outo pa e kapèl. Algun persona a mira nan i a apresia kon e hòmbler a sostené sùr. E tabatin tas di sùr na su skouder, miéntras e tabatin sùr duru tené. Sigur un bon ehèmpel kon yuda nos hendenan adulto mayor, den e kaso aki sùr Crispina.

Dufi Kock tokante boton i Boton

Kisas e título aki ta zona straño. Boton ku i sin lèter kapital. E artíkulo riba nos página INLUBIDABEL di awe ta skirbí pa mi amigu di Aruba Adolf (Dufi) Kock di Aruba. Ta un persona ku pashon enorme pa historia i kultura di su pais Aruba.

Bario Boton

Poko hende na Aruba sa e berdadero historia tras di e nòmber di e lugá aki na Santa Cruz, pabou di Jamanota, yamá Boton. Pero e residentenan di e bario sí sa di unda e nòmber a bin. Sinembargo, nan no por bisa ki tempu a usa e nòmber pa promé biaha. Pero esnan ku a bin despues ta bisa ku e nòmber mui probabel ta bai bèk te na nan antesedentenan.

Ta yama e bario Boton asina pasobra tabata traha i haña boton na e sitio ei den tempu bieu i un tempu ainda por a haña algun ei banda.

1 buraku

E botonnan aki tambe tin algu pekuiliar ku nan. Nan tin solamente ún buraku den sentro i indjan a traha nan den tempu antaño, for di pidánan di kolishi òf kaska di karkó (calco na Aruba). Nan tin forma rondó meskos ku botonnan normal i a traha nan den vários tamaño.

Ki opheto e indjannan a usa pa traha e buraku den e sentro ta solamente por adiviná. Komo ku e kaska di karkó ta basta duru, nan mester tabatin algun opheto skèrpi den nan dianan pa por a bora un buraku di 1/16 òf 1/8 di un dùm.

Tampoko no ta konosí por

sierto ku ser nan berdaderamente komo boton òf podisé pa traha koyar òf armbant.

Sitio

Na aña 1975, un amigu i kolega di trabou di mi, Laureano (Foyan) Maduro, un Assistant Operator na Acid Plant di Lago, e tempu ei bibá serka di e tereno di su suegro, Francisco Curiel, a kontá ku ainda tabata haña e botonnan na sierto sitio.

Curiel tabata biba na Boton nr 9. Su yu muhé, Jacinta Maduro-Curiel, kasá di Foyan i nan yu Martina tabatin un kolekshon chikitu di obranan di man di e indjannan di ántes. Nan yu, Tommy, e tempu ei ainda tabata sa unda pa haña e botonnan ei.

Seru di Boton

Fransisco Curiel, kende a traha den konstrukshon di e promé tankinan di Lago na aña 1926, ganando fls. 2.50 pa dia, a kontá algu tokante e botonnan: "Hopi di e botonnan aki di un buraku nan a haña den pasado na Seru di Boton situá den mi tereno. Mi a bin biba aki banda desde 1908, pero e nòmber ya tabata eksisti hopi tempu promé ku esei. Mi ta kere ku esaki ta e úniko lugá na Aruba unda indjannan a traha e tipo di obranan di man aki. E boton-


Sitio Inlubidabel©

nan aki na Boton tabata i ainda ta un proyekto interesante di investigashon pa arkeologonan ku ta spesialisá den kultura in-


djan. Pero nan a bira hopi skars, komo ku esnan curioso a piki sentenáres di nan pa inkluí den nan kolekshon."



Martina Maduro ta mostra un koyar.



Foyan Maduro i su suegro Francisco Curiel



Un kolekshon di e botonnan ku 1 buraku.

E lensu di mara kabes doblá

Dikon Hesus a dobla e lensu di mara kabes di lenen despues di su Resurekshon?

Evangelio di Huan (20:7) ta bisa nos ku e lensu ku a mara na Hesus su kabes poné un banda. E lensu no tabata huntu ku e otro pañanan.,

Beibel ta dediká hinter un verso pa bisa nos ku e lensu tabata doblá poné un kantu. (kisas unda e tabata drumí).

Riba promé dia di siman, mainta trempañ miéntras tabata skur ainda, Maria Magdalena a bai bishitá e graf. El a mira ku a kita e piedra ku tabata poné na boka di e graf

El a kore bai serka Simon Pedro i e disipel stimá di Hesus i bisa nan: ‘Nan a kohe kurpa di Señor bai kunÉ i nos no sa unda nan a pon’É!’

Pedro i e otro disipel a sali bai n’e graf. Nan dos tabata kore huntu, ma e otro disipel a kore bai laga Pedro i yega na e graf promé. El a buk wak paden i mira e pañanan di lenen, ma e no a dreña.

Simon Pedro ku tabata bini su tras a pasa bai paden. El a mira e pañanan di lenen i e lensu ku a mara na Hesus su kabes poné un banda. E lensu no tabata huntu ku e otro pañanan, ma e tabata doblá poné un kantu.

Esaki tabata importante? Naturalmente! E ta, awor, realmente importante? Klaru ku sí!

Pa komprendé nifikashon

di e lensu doblá, mester komprondé un poko aserka di e tradishon hebreo den e dianan ei.

E lensu doblá tin di aber ku e Maestro i e Sirbidó i kada mucha hudu tabata konosé e tradishon aki.

Ora e sirbidó a drecha e mesa di sena pa e Maestro, e tabata sigurá su mes pa poné eksaktamente di e manera den kua e Maestro tabata ke.

E mesa tabata dekorá a la perfekshon, i despues e kriá a bai na spera, fuera di bista, te ora ku e Maestro a terminá di kome. E sirbidó no tabata tribi na mishi ku e mesa, te ora ku e Maestro lo a terminá.

Awor, si e Maestro a terminá di kome, e ta lanta for di e mesa, e ta limpia su dedenan, boka i barba i e

ta traha un kònopi den e lensu i ta tira e lensu ei riba mesa.

E ora ei e sirbidó tabata sa ku tabata e momento pa limpia e mesa. Pasobra den e dianan ei, e lensu machiká tabata ke men, “mi a terminá”.

Pero si e Maestro tabata lanta di mesa, a dobla e lensu i a pone huntu ku su tayó, e sirbidó lo no tribi di mishi ku e mesa, pasobra e lensu doblá tabata nifiká... **“LO MI BOLBE!”**

Ki inkreibel! Ki bunita! Kristu a laga un mensahe den su graf pa bisa ku E lo bolbe...

E Bela di Pasku

E ta e símbolo mas destaká di e Tempü Paskual.. E ta was ku ta produkto di abehanan. E ta e bela mas importante kua nan ta sende den e Vigilia Paskual komo símbolo di Kristu – Lus, i ku ta butá den un elegante kolumna òf kandelaber dòrná.

E Bela di Pasku ta ya for di e promé siglonan un di e símbolan mas ekspresivo di e Vigilia. Mei mei di skuridat (ta hasi hinte e selebrashon anochi i ta kuminsá ku e lusnan pagá), di un konfó prepará adelantá ta sende e Bela, ku tin un inskripshon den forma di krus, kompañá di e fecha di e aña i di e lèternan Alfa i Omega, e promé i e último di e álfabèt griego, pa indiká ku e Pasku di Señor Hesus, prinsipio

i fin di tempü i di eternidat, ta alkansá nos ku forsa nobo den e aña konkreto ku nos ta biba. Den e Bela di Pasku ta hinka den e was sinku grano di sensha, simbolisando e sinku heridan an santu òf glorioso di Señor riba Krus.

Den e proseshon di entrada di e Vigilia ta kanta tres bia e aklamashon na Kristu: *“Lus di Kristu. Nos ta yama Dios danki”*, miéntras progresivamente ta bai sendiendo e belanan di esnan presente i e lusnan di e Misa. Despues ta pone e Bela den e kolumna o kandelaber ku ta bai ser su sosten, i ta proklamá rònt di dje, despues di a sensi’è, e solèm Pregon Paskual.

Ademas di e simbolismo di lus, e Bela di Pasku tambe tin esun di ofrenda, ku ta desaroyá na honor di Dios, dramando su Lus: *“aseptá, Tata Santu, e sakrifisio di e vlam aki, ku Santu Igle-*

sia ta ofresé Bo den e ofrenda solèm di e bela aki, obra di abehanan. Ya nos sa loke e anunsia e kolumna di kandel, kimando den vlam bibu pa gloria di Dios... Mara lus di Kristu kende ta resusitá den gloria kita skuridat for di nos kurason i spiritu”.

E Bela di Pasku lo ta sendé den tur e selebrashonnan durante e shete simannan di e sinkuenta dianan di Pasku di resurekshon, banda di e ambón di Palabra, te ku e atardi di e djadumingu di Pentekòster. Unabes e tempü Paskual a konkluí, ta kumbiní ku e Bela di Pasku keda warda di forma digno kaminda ta batisá hende. E Tambe ta usa e Bela di Pasku durante boutismo i na entiero, kier men na prinsipio i na final di e bida temporal, pa simbolisá ku un kristian ta partisipá di e lus di Kristu a lo largu di henter su kaminda riba tera, komo garantía di su inkorporashon definitivo na e Lus di bida eterno.



Dios ta simplifiká kosnan

Nos ta solushoná tur kos ku leinan, ku prohibishonnan. Nos mester di e Kódigo Sivil, di e Kódigo Penal. Un Kódigo pa kada kos. Dios ta simplifiká kosnan redusiendo nan tur na dos: stima Dios i stima e próhimo.

Nos ku tantu leinan no ta solushoná nos problemanan, Dios ta solushoná nan ku dos ku al fin y al cabo no ta sino un: amor. Amor pa kuné i pa ku e próhimo. E úniko dos leinan ku no ta kustumbrá na figura presisamente den nos Kódigonan. Mesun Iglesia mester di e Kódigo di Derecho Kanóniko ku 1.752 artíkulo i un serie di aneksonan.

Hasta ta posibel ku e 1752 artíkulon an aki ta mas importante ku e úniko artíkulo ku Hesus a laga pa nos: stima. Ta pesei nos a kombertí nos kristianismo den kumpli ku leinan i mas leinan i nos ta lubidando lo berdaderamente esensial: stima.

Hesus a bisa esaki masha kla: **“Henter e lei di Moises i e siñansa di e profetan ta dependé di e dos mandamentunan akí..”**

Ora nos ta stima ménos nos tin mester di mas lei, tantu den e derecho sivil komo den e religioso. Kuantu ménos nos stima mas no ta multipliká leinan, mandatonan, prohibishonnan. Esta fásil bida lo tabata si nos logra na stima i ser stimá! E mesun San Pablo papiando di e hende di Spiritu, despues di a mensioná e frutanan di e Spiritu ta terminá bisando: *“E kosnan ei no ta bai kontra ningun lei.”* (Gal 5,23)

Lo interesante den e kon-testa di Hesus ta ku E lo equipar e di dos mandamentu, esun di e amor pa e próhimo, na e promé, ku ta, stima Dios”. Los equipara y los une. No tin berdadero amor pa e próhimo si no tin amor pa Dios, pero tampoko lo tin berdadero amor pa Dios sin

e amor pa e próhimo. Dios i próhimo ta kana asina uní ku nan ta parse un kos aunke nan no ta, pasobra un ta Dios i otro ta e hende. Pero tal ta e relashon di Dios ku hende, ku ta asumí komo hasi na djE tur loke nos ta hasi na hende. Di kiko ta bal prohibí hòrta, mata, ser infiel, gaña, deseá biennan di otroan, si nos no tin amor den nos kurason. No laga nos gaña nos mes, únika-mente nos lo kumpli ku e lei di Dios si nos stim’è i si nos ta stima.

Ta bon di ta spesialistanan den Derecho Kanóniko, pero e kristian mester ta spesialista den stima Dios i e próhimo. Dios no tas animá nos den Derecho Kanóniko sino si nos a stima pasobra esun ku stima di bèrdat ya a kumpli ku e lei. Ta pesei, e úniko eksamen ku El a hasi na Pedro tabata esaki: *“Pedro, bo ta stima mi? Kuida mi rumanan.”* *“Bo ta stima mi mas ku tur e otroan aki?”* E lo no saminá nos si nos sa mas òf ménos, sino kuantu nos ta stima.



IMÁGENNAN DI NOS PASADO - BEELDEN UIT ONS VERLEDEN

Klup di futbol di antes


Voetbalclub van vroeger



MONCHI & TONCHI

Ata koriente a bolbe bai aki banda i korant no ta kla.

Awèl sí. Nunka m'a mira Davi bati 'toetsenbord' duru asina i primi 'save' tantu asina.



KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482

E-mail:
extrabon@gmail.com
Wèpsait:
www.extraboneiru.com

Direktor
Shirley Martis
785-3824
796-3824
Hefe di redakshon
Bòl Antoin
786-6818
Redakshon
Armand 'Papi' Antoin
Davienuska Janga
Velli Gijsbertha
Nathaly Evertsz

Edson Pietersz
Ibi Piar (deporte)
Partner na Aruba
Awe Mainta
Partner na Aruba
Extra
Layout
Davienuska Janga

Aviso
avisobon@gmail.com

CBCS ta kontentu ku progreso di Kòrsou;

Pero lo ke mira un ekonomia mas diversifiká

WILLEMSTAD.- Di rekshon di Banko Sentral di Kòrsou i St. Maarten ta hopi kontentu i satisfecho ku e forma di progreso ku Kòrsou ta eksperensiando. Sifranan ku e institushon tin na su disposishon ta proba ku tin progreso, tin adelanto, pero solamente lo ke mira e progreso ei yega den kas di mas famia. Esei por a komprondé di su informenan den Banko Sentral. Por a komprondé ku resientemente a sostené un kantidat di reunion ku komisariado di e institushon, i den e reunionnan ei a analisá henter e situashon ku tin aki na Kòrsou, principalmente despues ku a habri fronteranan sin muchu restriksion pa covid.

Gerensia di Banko Sentral ta kontentu, pasobra tin progreso! Un indikashon

kla di esei ta ku tin hopi proyekto tantu den ehkushon komo den tapara pa ehikutá, i esei ta kreando bastante trabou den e sektor di konstrukshon. Por sierto, den terminonnan ekonómiko hopi biaha ta midi rekuperashon i adelanto di un pais na e kantidat di trabou i proyektonan ku tin den konstrukshon, i Kòrsou ta un prueba di esei.

Si tin un sektor ku Kòrsou por ta hopi gradesido na dje, anto ta esun di turismo, i den e reunionnan di Hunta di Komisario di Banko Sentral a remarká esei tambe.

Sifranan ku tin na disposishon ta muestra ku turismo tabata i ta e katalisador prinsipal den rekuperashon te awor. Tin hopi proyekto turístiko den ehkushon, i tin diferente otro mas den

tapara. Loke si ta un preokupashon pa ekonomistanan ta ku e ekonomia aktual ta lèn muchu riba un banda, den e kaso aki riba turismo. Lo ke mira mas diversifikashon, pa evitá e mal eksperensia manera

a sosodé ku Aruba i St. Maarten si sosodé kualke kalamidat. Debí ku e dos paisnan aki a bin ta dependé grandemente di turismo, nan ekonomia tambe a bin kai den otro ora ku a surgi e pandemia di covid.

Pa bini bèk riba e situashon di Kòrsou, n'e momentunan aki no solamente turismo ta dominando, pero turismo for di Hulanda ta esun predominante, ku un porsentahe di riba 70% dje totalidat.

Entrada hudisial ku konfiskashon

WILLEMSTAD-- Relashoná ku detenshon di e hòmer sospechoso R.A.H. ku durante di kontrol di tráfico djabièrñe último riba Caracasbaaiweg, a haña ku dos bulto di mariwana den su outo, personal di U.S.T. huntu ku esun di warda di polis di Montaña, a tene dos entrada hudisial

riba djabièrñe 15 di april den oranan lat di atardi.

Na e promé adrès na Tinweg straat A, polis a haña i konfiská un planchi di mariwana riba dak di e kas. Kontinuando ku e investigashon a bai na un kas den Toscana Resort, na unda a bin enkontrá den kurá pa tras di e kas, un plantashon

di 220 palu di mariwana.

Den kamber di e kas a haña pakinan di mariwana kla pa bende i diferente atributo pa prosesá mariwana.

A konfiská tur loke ku a topa, miéntras investigashon den e kaso aki ta kontinuá.

Di akuerdo ku sr. Eduardo Vasquez di ALIDE

Tin hopi espektativa serka bankeronan pa bin Kòrsou

WILLEMSTAD.- ALIDE ta un asosiasion di bankonan di desaroyo Latino-Amerikano i di Karibe i ku tin su sede na Lima, Peru. Por bisa ku e tin mas ku 50 aña di eksistensia institushonal. ALIDE komo un entidat di bankonan pú-

bliko di desaroyo tin komo mishon pa kompartí praktikanan bon i duna sosten pa asina e por kumpli ku su mishon di ser un sosten finansiero di paisnan i tambe promoshon ekonómiko. Esei di akuerdo ku sr. Eduardo Vasquez di ALIDE

durante un enkuentro partikular ku a tuma lugá aki na Kòrsou en konekshon ku un e di 52 Asamblea dje institushon. Den e periodo di 17 pa 20 di mei Kòrsou lo ta anfitrión dje konferensia ei na kual ta spera mas ku 200 partisipante i 350 bishitante

for di den region.

ALIDE ta konta ku afiliashon di un kantidat grandi di pais den region pero tambe fuera di nos region, esei pa motibu ku nan tin relashonnan komersial ku e bankonan nashonal i regional. I ta dje forma aki ta kanalisá e koperashonnan finansiero. Asina tin ehèmpelnan for di Fransia i tambe Alemania ku tin vinkulonan bilateral i multilateral ku bankonan Latino-Amerikano.

Mas aleu sr. Vasquez a splika ku tin hopi espektativa di parti di bankeronan i otro alto ehekutivonan di bankonan Latino-Amerikano di bolbe topa ku otro den un evento unda nan lo ta físicamente presente. Ta di mas bisa ku tur kos a keda

posponé anteriormente pa motibu di e pandemia di covid. Ademas ta sperando mas ku 300 alto ehekutivo i otro bishitantenan pa e konferensia menshoná.

I kada bes ta skohe pa un tema sentral, i den e kaso aki siguiendo ku e tendensia ku tin mundialmente i apliká esaki den region. Pa e aña aki a skohe komo tema sentral "Teknologia Inovativo i Digitalisashon". Naturalmente lo tin di wak kon ta kombiná e parti finansiero pa por kumpli ku e ophetivo.

Mester kòrda ku e faktor di digitalisashon a bin haña un ròl muchu mas grandi for di momentu ku a surgi e pandemia. I lo bai trata e tema aki for di diferente ángulo.

Aksidente di tráfico ku morto

WILLEMSTAD-- Sentral di polis riba djaluna último, a risibí informashon di un aksidente di tráfico ku a tuma lugá riba Edisonstraat. A dirigí unidat polisial i ambulans na e sitio.

Na nan yegada nan a bin topa un aksidente entre un outo di famia i un pikòp.

For di investigashon preliminar a sali na kla ku shofùr di e pikòp ku tabata

kore riba Edisonstraat di rekshon di Helmin Magno Wiels Boulevard, diripiente a topa ku un vehíkulo ku tabata bini di direkshon kontrali i riba man kontrali.

A konsekuensia di esaki aki e vehíkulonon a dal frontal kontra di otro.

Shofùr di e outo di famia, debí na e múltiple leshonnan ku el a sufri den e aksidente, a fayesé na e

sitio mes. Dòkter di polis ku a presentá na e sitio a konstatá morto di e hòmer viktima.

Debí ku trata di un turista i no a pone famia na altura ainda, no por publiká su identidat. Shofùr di e pikòp a risibí tratamentu médiko na e sitio mes.

Deportamentu di Tráfico ta kontinuá ku e investigashon.

STATIA/SABA/ST. MAARTEN

Proseso masterplan di turismo a kuminsá

SABA – E proseso di e plan di turismo di Saba 2023-2028, a kuminsá. E plan ta investigá i kondusí pa Dick Pope di Institute for Tourism Studies, University of Central Florida (UCF) i Rosen College of Hospitality Management. Durante e promé seshon di informashon ku a tuma lugá online, partnernan por a aktualisá nan informashonnan pa e masterplan di turismo.

Presentá pa dr. Robertico Croes i dr. Kelly Semrad, durante e seshon di informashon ku e partnernan, a atendé kiko Saba tin mester pa e masterplan di turismo, momentu ku e plan kuminsá i finalisá, unda ta hasi e investigashon, kon e aserkamentu ta i kon partnernan di turismo por kon-

tribuí i partisipá den e proseso.

Desaroyo sostenibel

Mester di un masterplan di turismo pa mantené desaroyo di turismo sostenibel. E meta ta pa oumentá turismo satisfecho i por ta na benefisio ekonómiko i protehá e base kultural i rekursonan natural.

Un rapòrt kondusí na òktober 2021 riba e estado di turismo di Saba, ta indiká ku tin negoshi fundamental den e sektor di turismo.

E proseso di e masterplan di turismo di Saba a inisiá febrüari e aña akí i lo konkluí na ougùstùs. E proseso lo inklui bishita na Saba i St. Maarten, ku Saba komo e hub prinsipal, Estádos Unídos i Hulanda. Tambe un investigashon to-



Dr. Robertico Croes durante su bishita resien na Saba huntu ku diputado Zagers, direktor di Ofisina di Turismo Hassel i konsehero Nicole Johnson.

kante e kalidat di bida.

Meta general

E metanan general di e masterplan di turismo lo ta dirigí riba e kambionan i burakunan identifiká. E lo referí kon Saba mes-

ter atendé ku su posishon kompetitivo den e region karibense, oumentá e kontribushon sosio ekonómiko di turismo pa e isla i determiná merkado di rekursu potensial.

E produkto final lo proveé un vishon di turismo di sinku aña pa e isla ku e meta pa konbertí e industria den un motor ekonómiko na benefisio di e kalidat di bida pa residentenan i e isla miéntras ta protehá e sistemanan ekológiko sensibel rònt e isla.

Dr. Croes resientemente a bishitá Saba pa reuní ku e direktor di Ofisina di Turismo, Malinda Hassell, diputado di turismo Bruce Zagers, konsehero Nicole Johnson i diferente partner.

Vishon kohesivo

Diputado Zagers a duna di konosé ku e masterplan di turismo lo proveé un vishon kohesivo pa turismo, desaroyá den kolaborashon ku tur partner di turismo. E plan lo indiká tambe kambionan prominente ku turismo di Saba ta konfrontá pa konbertí e industria di Saba den un motor ekonómiko pa sirbi tur hende na Saba.

Di akuerdo ku direktor di Ofisina di Turismo Hassel, Saba a hür un universidat mundial distingui i tim di investigadó pa desaroyá e masterplan di turismo 2023-2028 di Saba.

“Ta nesesario pa mantené un desaroyo di turismo sostenibel di e ‘Unspoiled Queen’ i pa konstruí un pilar di turismo resiliente. P’esei mester di un direkshon stratégiko pa krea un vishon kohesivo pa e direkshon ku Saba mester tuma pa logra progreso den e industria di turismo, Hassel a bisa.

Satisfakshon

“Un masterplan di turismo ku e meta pa oumentá e satisfakshon turístiko, benefisio ekonómiko i protehá e base kultural i rekursu natural. E ta konstruí tambe nos industria di turismo pa ta mas stratégiko, resiliente i ta na alkanse di invershon pa e próksimo añanan. E ta un aserkamentu di abou pa ariba i nos ta mira dilanti riba e esfuerso di nos partnernan i komunitat den e proseso aki komo ku e plan akí lo benefisiá nos tur,” Hassel a bisa.

Di sistema di kuido na St. Eustatius

Pashènt ku a fayesé indikashon pa investigashon

STATIA – Konseho di supervishon di St. Eustatius Health Care Foundation (SEHCF) a laga hasi un investigashon independiente tokante e asuntunan rònt di fayesimentu di un pashènt durante transporte pa St. Maarten.

Den un komunikado emití pa SEHCF, e fundashon ta gradisí e komunitat di St. Eustatius pa nan preokupashon relashoná ku e kalidat di kuido den su totalidat riba e isla i e fayesimentu resien di un hòmber hóben. Esei ta indikashon pa laga hasi e investigashon independiente dor di un komishon eksterno.

Lo bai hasi un inves-

tigashon profundo pa e insidente ku a tuma lugá, kaminda lo tende tur instansia i persona enbolbí. E investigashon aki mester ta kla dentro di seis siman. Naturalmente lo atendé kuido idadosamente i kompartí e resultado ku e famia direkto di e fayesido.

Banda di esei e investigashon mester sirbi pa yega un direkshon igual i duradero di e kuido integral na St. Eustatius. E investigashon lo bai tuma mas tempu i ta pidi tambe sinkronisashon ku nos partnernan. Desde nos mishon renobá nos ta mira esaki komo un paso importante pa realisá kambionan tachabel. Nos ta

deskribí tambe e importancia pa mantené e komunitat di Statia na altura di e progresonan den esaki, e komunikado ta indiká.

Mehorashon di kuido ta un proseso kaminda tur hende por kontribuí. Nos ta invitá e habitantenan tambe pa kompartí nan eksperensianan ku nos. Esaki por tuma lugá via di nos buzon di sugerensia na Queen Beatrix Medical Center òf via info@sehcf.org

Na mes momentu nos ta invitá e komunitat pa sigui nos riba Facebook pa keda na altura tokante e último desaroyonan i informashon di SEHCF, segun e komunikado.

ARUBA


Chauffeur a sali core bay, despues cu su auto a bolter

ORANJESTAD -- Dia-domingo anochi pa mas o menos 9:30, Polisnan a bay cu urgencia rotunde cu ta conecta cu Schotlandstraat, unda un auto a bolter.

Na yegada di unidadnan di Polis berdad a bin topa cu un Mazda pick up color blanco, pero nada di e chauffeur. Testigonan a conta Polis cu e chauffeur a sali core bay direccion zuid. Patruyanan a bay controla. Por a mira cu algun patruya a bay zuid y

a controla den area unda e edificionan ta situa, pero sin resultado.

No ta conoci si e homber lo tabata herida y tampoco pakico el a core bay. Por mira cu hopi probabilidad e auto aki tabata biniendo cu velocidad halto unda e ta perde control subi acera ranca un borch di trafico y bolter, kedando riba su banda drechi. Caminda mester a keda sera te ora takelwagen a presenta pa por a bay cu ne.



Chauffeur a bruha y a drenta den Panaderia cu su March

ORANJESTAD -- Algun unidad di Polis a bay pura un panaderia situa den un mall pariba di Caya Ernesto Petronia, debi cu un auto a drenta den e negoshi.

Na yegada Polisnan a haya un Nissan March cu a causa un susto enorme n'esnan paden y levemente

heridando un persona cu no tabata desea asistencia medico. Segun por a compronde n'e sitio ta cu e dama a ekiboca y enbes di un el a haci e otro mandando e auto parcialmente den e lugar.

Daño material ta considerabel.



Chauffeur a drenta parkeerplaats unda e no mester a drenta

ORANJESTAD -- Dia-domingo anochi den careda di 7:45 varios unidad policial a bay Airport, unda un auto lo a kibra un boom di e parkeerplaats y segun Airport Authority Aruba e lo tabata haci maniobranan straño.

Varios patruya a yega y hunto cu nan un K9. Securitynan a acerca e patruya y a bisanan pa baha y bin unda e Honda CRV blanco tabata para y cu nan e chauffeur. Polis a cuminsa haci e chauffeur varios pregunta, entre otro kico el a bin haci eyan y pakico e lo a drenta unda e no ta supone di drenta kibrando e boom.

Segun e chauffeur, el a bin busca su pareha cu lo a caba di traha. Kico a bay robes eyan Polisnan kier a haya sa. Dado momento un agente a duna e chauffeur ordo pa bay sinta den e auto y warda. Por a scucha



basta zonido den boter den e auto.

Algun minuut despues transportwagen di Santa Cruz a yega cla pa transporta e chauffeur despues cu e lo caba di supla via e Alco - Sensor. Un tercer patruya di Playa a yega cu e Alco - Sensor, unda cu un di e agentenan tabata splica e chauffeur kico tur lo bay pasa y con e lo mester supla. Despues di algun pa-

piamento, transportwagen y e Alco - Sensor tur a bin eyan por nada.

Nan a puntr'e si e ta willing pa bay paga e daño, unda el a puntra "cuanto e gasto ta". E pareha a haya ordo pa stuur e vehiculo y si ta bon e chauffeur lo mester a bay sinta na banda. Forensys tambe a yega pa tuma dato di locual a sosode o sea e daño material cometi.

Guardacosta a detene capitan local di boto pa traficacion di hende

ORANJESTAD -- Durante cu Guardacosta tabata patruyando, nan a nota un boto local biniendo di pazuid, y riba e boto tabatin dos persona. Guardacosta a dicidi di haci control riba e boto aki y a resulta cu e capitan di e boto ta un persona local y e otro persona abordo tabata un persona indocumenta. Mesora

e capitan a wordo deteni como sospechoso di traficacion di hende. E boto a keda confisca pa mas investigacion, mientras e persona indocumenta tambe a wordo deteni pa drenta Aruba na un forma ilegal. Na yegada na punto di sosten di Guardacosta na Savaneta, e dos personanan deteni a wordo pasa pa autoridad local.

Den e dlanan aki Guardacosta den cooperacion masha estrecho cu su partnernan (KPA, Maritiem Politie, Guarda Nos Costa etc..) Hunto nan lo haci varios control. E number di emergencia di Guardacosta ta 913, si a caso un persona mira movecionnan straño of sospechoso por yama e number aki tambe.



Kompetensia di 'King of the Caribbean'



"Mi no ta pela mas!" Notisia di polis

KRALENDIJK — "Mi mi kabei largu." Esaki Hubert Anthony, konosí tambe bisa ku mi ta keda bon ku komo Hubert Bòksdó, a

bisa BONERIANO. Hubert ta di Antriol, pero a biba tambe na Kòrsou.

Esnan ku mira Hubert ta kana rònt tur dia den su bario a ripará ku su kabeinan a bira largu. Normalmente semper e tabatin kabei kòrtiku. Awor sinembargo e ta laga su kabeinan krese bai, te ku el a kuminhá haña aparensia di indjan.

Hubert Anthony ta un persona di mil kampaña. E tabata huntu ku Papa Godett durante e lantamentu di 30 di mei 1969 na Kòrsou komo un tipo di 'bodyguard'.

Papa Godett tambe den su tempu yòn tabata bòksdó.

Yuda nos tene nos Boneiru limpi



www.extraboneiru.com

KRALENDIJK—Ayerá mèrdia alrededor di 13.30 ,a drenta notifikashon di un kurpa sin bida na Klein Bonaire. Agentenan di Kuerpo Polisial mesora a sali ku yudansa di Wardakosta pa Klein Bonaire. Departamento forensiko a inisiá un

investigashon inmediata-mente.

Ta trata un dama turista di 84 aña di edat ku lo mester a hoga na momentu ku e tabata snòrkel na Klein Bonaire. Kuerpo Polisial ta ekstendé palabra di kondolensia na famia di e defuntu

DI KUATER DIA DI PASKU DI RESUREKSHON DI NOS SEÑOR

20 di April 2022

"... loke mi tin, mi ta duna bo.
Den Nòmber di Hesus di Nazaret, lanta kana."
(cf Ech 3,6)

Despues di Resurekshon i Asenshon di nos Señor e apòstelnan a sigui ku su obra. "Pa medio di e apòstelnan hopi milager i señal milagroso tabata tuma lugá den pueblo." (cf Ech 5,12) Esaki ta kuadra ku e envio di Hesus na su apòstelnan: "... bai prediká e Bon Notisia i kura hende malu." (cf Lukas 9,20)

Pa nos Boutismo nos tambe ta yamá pa hasi meskos ku e apòstelnan; "... bai prediká i kura hende malu." (cf Lukas 9,20) "Predika Dios su palabra", no tantu ku nos boka, sino ku nos ehèmpel di bida. Bai "kura hende malu", specialmente esnan ku ta sufri di soledat, abandono i ansiedat. I laga nan eksperensiá presensia amoroso i mizerikòrdioso di Hesus.

Señor hasi mi un instrument di bo pas; pa mi duna otro pas.

1L Ech 3,1-10; Salmo 105,1-9; Ev Lukas 24,13-35



005999-522-4056



Un Snechi Pan



unsnechipan



Easter



OFFICIAL RETAILER
& SERVICE CENTER

43" 4K
SMART TV


\$539



TV ROOM SET:
TV PANEL + TV CABINET
+ COFFEE TABLE

\$129

**HOT
price**



SECTIONAL CORNER SOFA
W/ STORAGE & CUP HOLDERS

\$1,975

City Shop

Smart shopping ▶ Better living



Kaya International #36



www.cityshopbonaire.com



City Shop Bonaire



+599 717.36.66



info@cityshopbonaire.com



+599 700.64.42